

邊疆叢書之一

清  
理  
藩  
部  
則  
例



蒙藏委員會印行

欽定理藩部則例卷三十一

郵政上

張家口驛站

賽爾烏蘇驛站

喜峯口驛站

欽定理藩部則例

卷三十一 目錄

上海圖書館藏書



A541 212 0002 9706B

~~1522941~~

欽定理藩部則例

卷三十一 目錄

欽定理藩部則例卷三十一

郵政上

增纂

張家口驛站

一張家口管站司員所屬張家口漢站一察罕托羅海布爾哈蘇台哈留  
台鄂羅依琥圖克奎蘇圖扎哈蘇台明垓察察爾圖慶岱烏蘭哈達本  
巴圖錫喇哈達布魯圖鄂倫琥圖克察罕琥圖克錫喇穆楞敖拉琥圖  
克吉斯黃郭爾喜喇穆呼爾布隆叟吉布拉克托里布拉克圖固哩克  
蒙古站二十三共二十四站張家口漢站額設馬三十四每匹日支豆  
六倉升草二束軍夫馬三十四每匹日支豆六倉升草價銀二分馬牌  
子二名每名月支餉銀二兩四錢軍夫二十四名每名月支餉銀一兩  
米三斗馬夫二十四名每名月支餉銀一兩八錢獸醫一名月支餉銀

一兩五錢

一察罕托羅海蒙古第一正站額設官馬二十五匹駝十隻廩羊二十五隻章京一員領催一名馬甲十名烏拉齊十名

一布爾哈蘇台蒙古腰站額設官馬二十五匹駝十隻廩羊二十五隻驍騎校一員領催一名馬甲八名烏拉齊十名

一哈留台蒙古第二正站額設官馬二十五匹駝十隻廩羊二十五隻驍騎校一員領催一名馬甲八名烏拉齊十名

一鄂羅依琥圖克蒙古腰站額設官馬二十五匹駝十隻廩羊二十五隻驍騎校一員領催一名馬甲八名烏拉齊十名

一奎蘇圖蒙古第二正站額設官馬二十五匹駝十隻廩羊二十五隻驍騎校一員領催一名馬甲八名烏拉齊十名

一扎哈蘇台蒙古腰站額設官馬二十五匹駝十隻廩羊二十五隻章京一員領催一名馬甲九名烏拉齊十名

一 明珍蒙古第四正站額設官馬二十五匹駝十隻廩羊二十五隻章京一員領催一名馬甲八名烏拉齊十名

一 察察爾圖蒙古腰站額設官馬二十五匹駝十隻廩羊二十五隻章京一員領催一名馬甲八名烏拉齊十名

一 慶岱蒙古第五正站額設官馬二十五匹駝十隻廩羊二十五隻副參領一員領催一名馬甲九名烏拉齊十名

一 烏蘭哈達蒙古第六正站額設官馬二十五匹駝十隻廩羊二十五隻驍騎校一員領催一名馬甲九名烏拉齊十名

一 本巴圖蒙古腰站額設官馬二十五匹馬十隻廩羊二十五隻驍騎校一員領催一名馬甲九名烏拉齊十名

一 錫喇哈達蒙古第七正站額設官馬二十五匹駝十隻廩羊二十五隻章京一員領催一名馬甲八名烏拉齊十名

一 布魯圖蒙古腰站額設官馬二十三匹駝十隻廩羊二十五隻章京一

員領催一名馬甲九名烏拉齊十名

一鄂倫琥圖克蒙古第十正站額設官馬二十三匹駝十隻廩羊二十五隻副參領一員領催一名馬甲八名烏拉齊十名

一察罕琥圖克蒙古腰站額設官馬二十三匹駝十隻廩羊二十五隻驍騎校一員領催一名馬甲八名烏拉齊十名

一錫喇穆楞蒙古第九正站額設官馬二十三匹駝十隻廩羊二十五隻章京一員領催一名馬甲八名烏拉齊十名

一敖拉琥圖克蒙古第十正站額設官馬二十三匹駝十隻廩羊二十五隻章京一員領催一名馬甲九名烏拉齊十名

一吉斯黃郭爾蒙古第十一正站額設官馬二十二匹駝十隻廩羊二十五隻章京一員領催一名馬甲六名烏拉齊十名

一喜喇穆呼爾蒙古第十二正站額設官馬二十二匹駝十隻廩羊二十

五隻驍騎校一員領催一名馬甲六名烏拉齊十名

一布隆蒙古腰站額設官馬二十二匹駝十隻廩羊三十五隻驍騎校一員領催一名馬甲六名烏拉齊十名

一叟吉布拉克蒙古第十三正站額設官馬二十二匹駝十隻廩羊二十五隻驍騎校一員領催一名馬甲六名烏拉齊十名

一托里布拉克蒙古第十四正站額設官馬二十二匹駝十隻廩羊二十五隻驍騎校一員領催一名馬甲六名烏拉齊十名

一圖固哩克蒙古第十五正站額設官馬二十二匹駝十隻廩羊二十五隻章京一員領催一名馬甲六名烏拉齊十名

一蒙古各站共額設參領二員每年各支餉銀七十二兩騎都尉一員每年支俸銀五十五兩章京十二員每年各支餉銀六十兩驍騎校十一員每年各支餉銀四十八兩領催二十三名每年各支餉銀三十六兩馬甲一百八十名每年各支餉銀二十四兩烏拉齊二百三十名每年各支餉銀十八兩均係由張家口稅務監督衙門領出存貯都統衙門



銀庫每年二月間一次放給

一蒙古各站共額設官馬五百四十七匹駝二百三十隻不支馬乾每十匹准報三成倒斃每馬除扣皮臟銀二錢外實支倒斃價銀六兩三錢由都統衙門銀庫支領

一蒙古各站應差廩羊每隻折價銀七錢由都統衙門銀庫支領其各站增給廩羊每隻折銀七錢由口北道庫生息項下動支

一一品大臣至三等侍衛應給羊一隻藍翁侍衛驍騎校至把總應給羊腿二隻領催兵丁應給羊腿一隻犯人應給羊腿半隻

一布爾哈蘇台等十六站原設馬甲各十名按差務繁簡酌撤一二名於吉斯黃郭爾等二十九站各增設一二名由賽爾烏蘇孳生駝隻內每年撥出四十六隻以補張家口二十三站駝隻倒斃仍由賽爾烏蘇管站司員呈報都統衙門核銷

賽爾烏蘇驛站

一賽爾烏蘇管站司員所屬默霍爾噶順霍尼齊畢勒格庫哈濟布齊扎拉圖卓布哩博囉鄂博庫圖勒多倫塔拉多倫默端哈比爾噶希保台棗薩吉時木沙克舒爾噶察布察爾哈沙圖哲楞翁錦烏訥格特哈達圖蒙古站二十一站自張家口所屬圖固哩克站接算

一默霍爾噶順蒙古第十六正站額設騎駝二十隻馱駝十隻廩羊二十五隻

一霍尼齊蒙古第十七正站額設騎駝二十隻馱駝十隻廩羊二十五隻  
一畢勒格庫蒙古腰站額設騎駝二十隻馱駝十隻廩羊二十五隻  
一哈濟布齊蒙古第十八正站額設騎駝二十隻馱駝十隻廩羊二十五隻

一扎拉圖蒙古腰站額設騎駝二十隻馱駝十隻廩羊二十五隻  
一卓布哩蒙古第十九正站額設騎駝二十隻馱駝十隻廩羊二十五隻

一博囉沙博蒙古腰站額設騎馬二十四匹駝十隻廩羊二十五隻

一庫圖勒多倫蒙古第二十正站額設騎馬二十四匹駝十隻廩羊二十五隻

一塔拉多倫蒙古腰站額設騎馬二十四匹駝十隻廩羊二十五隻

一默端蒙古第二十一正站額設騎馬二十四匹駝十隻廩羊二十五隻

一哈比爾噶蒙古腰站額設騎馬二十四匹駝十隻廩羊二十五隻

一希保台蒙古第二十二正站額設騎馬二十四匹駝十隻廩羊二十五隻

一柰薩蒙古第二十三正站額設騎馬二十四匹駝十隻廩羊二十五隻

一吉噶木蒙古第二十四正站額設騎馬二十四匹駝十隻廩羊二十五隻

一沙克舒爾噶蒙古腰站額設騎馬二十四匹駝十隻廩羊二十五隻

一察布察爾蒙古第二十五正站額設騎馬二十四匹駝十隻廩羊二十

五隻

一哈沙圖蒙古腰站額設騎馬二十四馱駝十隻廩羊二十五隻

一哲楞蒙古第二十六正站額設騎馬二十四馱駝十隻廩羊二十五隻

一翁錦蒙古第二十七正站額設騎馬二十四馱駝十隻廩羊二十五隻

一烏訥格特蒙古第二十八正站額設騎馬二十四馱駝十隻廩羊二十

五隻

一哈達圖蒙古第二十九正站額設騎馬二十四馱駝十隻廩羊二十五

隻

一蒙古各站共額設參領二員每年各食餉銀七十二兩副參領二員幫

辦章京二員章京六員每年各食餉銀六十兩雲騎尉二員每年各食

俸銀四十二兩五錢委章京四員驍騎校七員每年各食餉銀四十八

兩領催二十一名每年各食餉銀三十六兩馬甲一百二十四名每年

各食餉銀二十四兩烏拉齊二百十名每年各食餉銀一十八兩此項

銀兩由張家口都統衙門支領閏月增給

一各站協駐防守官各一員每年各食餉銀一十八兩兵各十各每年各食餉銀十兩由張家口同知衙門支領

一各站額設官馬不支馬乾每十四准報三成倒斃每馬除扣皮臟銀二錢外實支倒斃價銀六兩三錢按四季由都統衙門支領

一戈壁六站額設駝隻並無支款遇有倒斃均由孳生駝內撥補年終造冊報部查核

一各站額設廩羊每隻折價銀七錢由張家口都統衙門支領其各站增給廩羊每隻折價銀七錢由口北道庫生鳥項下動支

增纂

喜峯口驛站

一喜峯口管站司員所屬喜峯寬城漢站二浩沁塔賓格爾克依斯呼托郭圖伯爾克黃郭圖沙爾諾爾庫車勒三音哈克希訥郭勒奎蘇布

拉克博羅額爾濟諾木齊哈沙圖阿勒坦克噶蘇特依伸堆哈岱罕蒙  
古站十六共十八站

一喜峯口漢站額設馬六十四正月十月十一月十二月四個月每馬日  
支豆五倉升草二束豆每倉升價銀九釐草每束價銀一分四個月共  
應支馬乾銀四百六十八兩二月三月八月九月四個月每馬日支豆  
四倉升麩二倉升每升價銀二釐五毫四絲草二束四個月共應支馬  
乾銀四百三十九兩七錢七分六釐四月五月六月七月四個月每馬  
日支豆四倉升麩三倉升草二束四個月共應支馬乾銀四百五十八  
兩零六分四釐每歲共應支馬乾銀一千三百六十五兩八錢四分小  
建扣除閏月文領准報四成倒斃每歲倒馬二十四匹每匹價銀六兩  
五錢應支馬價銀一百五十六兩每匹扣皮臟銀五錢閏月無支小建  
無扣馬夫三十名每名日支工食銀六分共支銀一兩八錢每歲共支  
銀六百四十八兩小建扣除閏月支領字識一名日支工食銀六分六

釐六毫六絲零每歲共支銀二十四兩小建扣除閏月支領獸醫一名  
日支工食銀五分每歲共支銀十八兩小建扣除閏月支領每歲所用  
心紅紙張治馬藥材籠頭韁繩水桶鋤刀燈油鞍屨鐵鍋鋤鎬糞料柴  
薪修理棚圈上坯磚灰木料人工各等雜項共應支銀三百八十八兩  
閏月無支小建無扣以上一歲通共應支夫馬工料等項銀二千四百  
九十九兩八錢四分小建扣除閏月支領  
一寬城漢站額設馬六十四匹正月十月十一月十二月四個月每馬日支  
豆五倉升草二束豆每倉升價銀七釐五毫草每束價銀九釐四個月  
共應支馬乾銀三百九十九兩六錢二月三月八月九月四個月每馬  
日支豆四倉升麩二倉升每升價銀二釐五毫草二束四個月共應支  
馬乾銀三百八十一兩六錢四月五月六月七月四個月每馬日支豆  
四倉升麩三倉升草二束四個月共應支馬乾銀三百九十九兩六錢  
每歲共應支馬乾銀一千一百八十八兩八錢小建扣除閏月支領准報

四成倒斃每歲倒馬二十四匹每匹價銀六兩五錢應支馬價銀一百五十六兩每匹扣皮臟銀五錢閏月無支小建無扣管站把總一員賞官地六十畝日支俸薪馬乾銀一錢七分每歲共支銀六十一兩二錢其俸薪馬乾銀兩在直隸遵化州貯庫銀兩內按四季支領外委一員並無錢糧不給地畝效力當差壯丁五十名每名賞官地六十畝把總外委缺出在該站壯丁內挑補俱係正黃旗漢軍人馬夫十六名每名日支工食銀六分每歲共支銀三百四十五兩六錢小建扣除閏月支領字識一名日支工食銀三分每歲共支銀十兩八錢閏月無支小建無扣馬牌子一名日支工食銀八分每歲共支銀二十八兩八錢小建扣除閏月支領每歲所用心紅紙張治馬藥材籠頭韁繩水桶鋤刀燈油鞍屨鐵錫鐵錫糞料柴薪修理棚圈土坯磚灰木料人工各等雜項共應支銀二百八十八兩閏月無支小建無扣內獸醫一名日支工食銀五分每歲共支工食銀十八兩閏月支領仍在雜項撥給小建扣除



歸入雜項公用以上一歲通共應支夫馬工料廩糧等項銀二千零九十兩小建扣除閏月支領

一喜峯寬城二站每歲應領廩給銀八十兩以備過往行差廩糧飯食之用如有餘剩銀兩扣繳每歲二站夫馬工料等項銀兩由直隸藩庫一歲兩次支領交熱河道庫存貯按四季給發年終造具細數清冊呈送熱河都統衙門轉咨直隸藩臬兩司查核轉報度支部核銷

一凡應付廩給差馬一品官應付廩給銀二錢騎馬十四引馬二匹包馬四匹跟役七名每名口糧銀五分二品官應付廩給銀一錢八分騎馬八匹引馬四匹包馬四匹跟役六名每名口糧銀五分三品官應付廩給銀一錢六分騎馬七匹引馬二匹包馬四匹跟役五名每名口糧銀五分四品官應付廩給銀一錢四分騎馬六匹引馬一匹包馬二匹跟役四名每名口糧銀五分五品官應付廩給銀一錢二分騎馬六匹引馬一匹包馬二匹跟役每名口糧銀五分六品官應付廩給銀一

錢二分騎馬三匹引馬一匹包馬一匹跟役二名每名口糧銀五分七  
品官應付廩給銀一錢二分騎馬三匹引馬一匹包馬一匹跟役二名  
每名口糧銀五分八九品官應付廩給銀一錢騎馬三匹引馬一匹包  
馬一匹跟役二名每名口糧銀五分領催等應付口糧銀五分騎馬二  
匹包馬一匹跟役一名口糧銀五分其由京由口差使俱有陸軍部預  
發傳牌該首站造冊照依傳牌廩糧馬匹數目開載事由照數應付粘  
貼印花由首站傳至末站由末站備文呈繳直隸臬司查核報部仍將  
一歲應付過廩糧數目造入奏銷冊內報銷

一浩沁塔賓絡爾蒙古第一站額設馬五十四匹廩羊六十隻章京一員坤  
都一員馬甲四十八名

一克依斯呼蒙古第二站額設馬五十四匹廩羊六十隻章京一員坤都一  
員馬甲四十八名

一托郭圖蒙古第三站額設馬五十四匹廩羊六十隻章京一員坤都一員

馬甲四十八名

一伯爾克蒙古第四站額設馬五十匹廩羊六十隻章京一員坤都一員

馬甲四十八名

一黃郭圖蒙古第五站額設馬五十匹廩羊六十隻章京一員坤都一員

馬甲四十八名

一沙爾諾爾蒙古第六站額設馬五十匹廩羊六十隻章京一員坤都一員

馬甲四十八名

一庫庫車勒蒙古第七站額設馬五十匹廩羊六十隻章京一員坤都一員

馬甲四十八名

一三音哈克蒙古第八站額設馬五十匹廩羊六十隻章京一員坤都一員

馬甲四十八名

一希訥郭勒蒙古第九站額設馬五十匹廩羊六十隻章京一員坤都一員

馬甲四十八名

一奉蘇布拉克蒙古第十站額設馬五十四匹廩羊六十隻章京一員坤都一員馬甲四十八名

一博囉額爾濟蒙古第十一站額設馬五十四匹廩羊六十隻章京一員坤都一員馬甲四十八名

一諾木齊蒙古第十二站額設馬五十四匹廩羊六十隻章京一員坤都一員馬甲四十八名

一哈沙圖蒙古第十三站額設馬五十四匹廩羊六十隻章京一員坤都一員馬甲四十八名

一阿勒坦克喀蘇特依蒙古第十四站額設馬五十四匹廩羊六十隻章京一員坤都一員馬甲四十八名

一伸堆蒙古第十五站額設馬五十四匹廩羊六十隻章京一員坤都一員馬甲四十八名

一哈岱罕蒙古第十六站額設馬五十四匹廩羊六十隻章京一員坤都一員馬甲四十八名

員馬甲四十八名

一 蒙古各站額設章京坤都馬甲人等並無錢糧俱係効力當差額設馬匹亦無馬乾每千匹准報三成倒斃每歲倒斃二百四十四匹每匹價銀六兩五錢應支馬價銀一千五百六十兩每匹除扣皮臟銀二錢外實領馬價銀一千五百十二兩由該司員行文熱河都統衙門轉咨理藩部度支部查核飭令八溝稅員在於徵收稅銀項內照數解交熱河道庫存貯按四季給發

一 蒙古各站額設廩羊每隻價銀七錢共支價銀六百七十二兩每三年二次支領由該司員行文熱河都統衙門轉咨理藩部度支部查核飭令八溝稅員在於徵收稅銀項內照數支領給放仍將一歲應付過羊隻數目造冊呈報熱河都統轉咨理藩部度支部核鎖如羊隻銀兩不敷應用仍於應領之年行文造冊找領

一 凡應付廩糧差馬一品官騎馬十四匹引馬二匹包馬四匹跟役七名廩

羊二隻二品官騎馬八匹引馬二匹包馬四匹跟役六名廩羊二隻三  
品官騎馬七匹引馬二匹包馬四匹跟役五名廩羊一隻四品官騎馬  
六匹引馬一匹包馬二匹跟役四名廩羊一隻五六品官騎馬五匹引  
馬一匹包馬二匹跟役三名廩羊一隻七品官騎馬三匹引馬一匹包  
馬一匹跟役二名廩羊半隻八九品官騎馬三匹引馬一匹包馬一匹  
跟役二名廩羊半隻領催等騎馬二匹包馬一匹跟役一名羊腿一隻

欽定四庫全書

卷三十一

雜錄

欽定理藩部則例卷二十二

郵政中

古北口驛站

獨石口驛站

殺虎口驛站



欽定通志部則例

卷三十二 目錄

二

欽定理藩部則例卷三十二

郵政中

增纂

古北口驛站

一古北口管站司員所屬古北口鞍匠屯王家營紅旗營什巴爾台坡賴村漢站六美耳溝希爾哈阿美溝卓索陳圖博賚散琥圖克色拉木倫噶察克海拉察克阿嚕噶木爾蒙古站十共十六站

一古北口漢正站西南至石匣站計程四十里東北至鞍匠屯站計程八十里額設馬三十五匹每年領夫馬工料銀一千八百六十九兩三錢抄牌二名馬夫二十八名獸醫一名槓橋夫九名接遞皂隸三名應支工食均在工料銀兩之內

一鞍匠屯漢正站西南至古北口站計程八十里東南至王家營站計程

七十里正東至紅旗營站計程九十里正北至豐寧縣計程一百里額設馬四十四每年應領夫馬工料銀一千七百八十四兩五錢五分五釐把總一員每年支俸薪馬乾銀六十一兩二錢外委三員每員歲支餉銀十四兩四錢驛目四名每名歲支餉銀十二兩壯丁廿四名每名歲支餉銀六兩抄牌一名獸醫一名夫役九名應支工食均在工料銀兩之內

一王家營漢正站西北至鞍匠屯站計程七十里正東至熱河計程七十里東北至紅旗營站計程一百里額設馬三十四每年應領夫馬工料銀一千三百七十九兩二錢一分五釐把總一員每年應支俸薪馬乾銀六十一兩二錢外委二員每員歲支餉銀十四兩四錢驛目四名每名歲支餉銀十二兩壯丁十四名每名歲支餉銀六兩抄牌一名獸醫一名夫役九名應支工食均在工料銀兩之內

一紅旗營漢正站正東至什巴爾台站計程六十里西南至王家營站計

程一百里正西至鞍匠屯站計程九十里額設馬三十四每年應領夫馬玉料銀一千三百六十兩零四錢七分一釐把總一員每年應支俸薪馬乾銀六十二兩二錢外委二員每員歲支餉銀十四兩四錢驛目四名每名歲支餉銀十二兩壯丁十四名每名歲支餉銀六兩抄牌一名獸醫一名大役七名應支工食均在工料銀兩之內

一什巴爾台漢正站正西至紅旗營站計程六十里正南至熱河計程一百里四北至豐寧縣計程一百里正北至坡賴村站計程八十里額設馬三十匹每年應領夫馬工料銀一千三百六十兩零四錢七分一釐把總一員每年應支俸薪馬乾銀六十二兩二錢外委二員每員歲支餉銀十四兩四錢驛目四名每名歲支餉銀十二兩壯丁十四名每名歲支餉銀六兩抄牌一名獸醫一名夫役七名應支工食均在工料銀兩之內

一坡賴村漢正站正南至什巴爾台站計程八十里正西至豐寧縣計程

一百里正東至美耳滿站計程一百二十里額設馬三十四匹每年應領夫馬工料銀一千三百六十兩零四錢七分一釐把總一員每年應支俸薪馬乾銀六十一兩二錢外委二員每員歲支餉銀十四兩四錢驛目四名每名歲支餉銀十二兩壯丁十四名每名歲支餉銀六兩抄牌一名獸醫一名夫役七名應支工食均在工料銀兩之內

一漢站額設把總外委驛目壯丁均係內務府人所有應領俸薪馬乾餉銀夫馬工料各項銀兩均由直隸藩庫支領每年於二月內由管站司員衙門造冊移送直隸按察使查核咨部奏銷

一美耳滿蒙古正站正西至坡賴村站計程一百二十里正北至希爾哈站計程一百里額設馬五匹章京一員驍騎校一員筆齊業齊一噶領催四名烏拉齊一百四十三名係巴林王旗下人十五名巴林貝子旗下人十五名翁牛特土旗下人十五名翁牛特貝勒旗下人二十名名東扎噶特貝勒旗下人十五名西扎噶特貝勒旗下人十五名河一

科爾沁貝勒旗下人三十九名克騰台吉旗下人十五名

一希爾哈蒙古正站西南至美耳溝站計程一百里東北至阿美溝站計

程六十七里額設馬三十五匹章京一員騎驍校一員筆齊業齊一名領

催四名烏拉齊九十八名係翁牛特王旗下人五十七名翁牛特貝勒

旗下人三十六名翁牛特公屬下旗人十三名

一阿美溝蒙古腰站西南至希爾哈站計程六十七里東北至卓索站計程

七十里額設馬十五匹驍騎校一員筆齊業齊一名領催二名烏拉齊

四十一名係翁牛特王旗下人二十七名翁牛特貝勒旗下人十八名

一卓索蒙古正站西南至阿美溝站計程七十里東北至陳圖博站計程

八十里額設馬三十五匹章京一員驍騎校一員筆齊業齊一名領催

四名烏拉齊九十八名係巴林王旗下人二十七名翁牛特貝勒旗下

人七十八名

一陳圖博蒙古腰站西南至卓索站計程八十里東北至寶散琥圖克站

計程八十里額設馬十五匹驍騎校一員筆齊業齊一名領催二名烏拉齊四十一名係巴林王旗下人二十四名巴林貝子旗下人二十一名

一 賚散琥圖克蒙古腰站西南至陳圖博站計程八十里東北至色拉木倫站計程四十里額設馬十五匹驍騎校一員筆齊業齊一名領催二名烏拉齊四十一名係巴林王旗下人廿四名巴林貝子旗下人二十一名

一 色拉木倫蒙古正站西南至賚散琥圖克站計程四十里東北至噶察克站計程一百里額設馬三十五匹章京一員驍騎校一員筆齊業齊一名領催四名烏拉齊九十八名係巴林王旗下人六十三名巴林貝子旗下人四十二名

一 噶察克蒙古正站西南至色拉木倫站計程一百里東北至海拉察克站計程一百二十里額設馬五十四章京一員驍騎校一員筆齊業齊

一名領催四名烏拉齊一百四十二名係阿嚕科爾沁貝勒旗下人一百三十八名巴林貝子旗下人十三名

一海拉察克蒙古正站西南至噶察克站計程一百二十里東北至阿嚕噶木爾站計程六十里額設馬五十四匹章京一員驍騎校一員筆齊業齊一名領催四名烏拉齊一百四十三名係珠穆烏沁王旗下人三十六名阿嚕科爾沁貝勒旗下人一百一十四名

一阿嚕噶木爾蒙古正站西至海拉察克站計程六十里額設馬五十四匹章京一員驍騎校一員筆齊業齊一名領催四名烏拉齊一百四十三名係烏珠穆沁王旗下人一百一十四名烏珠穆沁貝勒旗下人三十六名

一蒙古各站額設章京驍騎校筆齊業齊領催烏拉齊弁兵等均係各該本旗給與養贍不支工食額設馬匹不支馬乾每十四匹准報二成倒斃每匹除扣皮贖銀二錢應給倒斃價銀六兩三錢由該司員備文報部



給發印領簿式赴庚支報函傳照數給發每站額設馬六隻每  
隻折銀七錢不拘年限俟應付差使用完再行請領每半年於二月內由  
管站司員衙門造冊報部覈銷

增纂  
獨石口驛站

一獨石口管站司員所屬獨石口驛站一套騰布拉克額標額款根草案

一獨錫林郭勒胡魯圖蒙古站六共七站

一獨石口漢站額設驛馬二十九匹每匹日食豆六倉升草價銀二分

馬二十匹每匹日支豆六倉升草價銀二分自四月初一日出廠牧放

不支豆石草價九月十五日回棚喂養每歲應支六個月零十五日豆

石草價及應支棚廠雜項銀一百八十兩零八銀一分每十匹准報四

成倒斃共倒馬十九匹半每匹除扣皮臟銀五錢外應給倒斃價銀六

兩書手一名每歲應支工食銀十八兩九錢獸醫一名每歲應支工食

銀九兩馬夫四十三名每名月支工食銀一兩所有應領各項銀兩每歲春秋二季由直隸藩庫承領到站即將夏冬二季銀兩解交口北道貯庫俟季首支領放給

一漢站馬匹豆石每季發昇在赤城縣支領凡遇經過差使廩給口糧俱由赤城應縣付馬匹山管站司官應付

一奎騰布拉克蒙古第一站額設馬五十四兵丁五十名擇其勤慎者揀選章京一員坤都二員係正藍旗蒙古二十名鑲白旗蒙古二十名每名歲支工食銀六兩各該旗由口北道庫內支領放給克什克騰旗下人十名不支餉銀

一額楞蒙古第二站額設馬五十四兵丁五十名擇其勤慎者揀選章京一員坤都二員係正黃旗騰旗下人不支餉銀

一額默根蒙古第一站額設馬五十四兵丁五十名擇其勤慎者揀選章京一員坤都二員係阿巴噶王旗下人不支餉銀

一卓索圖蒙古第四站額設馬五十四匹兵丁五十名擇其勤慎者揀選章京一員坤都二員係阿巴噶土旗下人六名阿巴哈那爾貝勒旗下人四十四名不支餉銀

一錫林郭勒蒙古第五站額設馬五十四匹兵丁五十名擇其勤慎者揀選章京一員坤都二員係西浩濟特旗下人不支餉銀

一胡魯圖蒙古第六站額設馬五十四匹兵丁五十名擇其勤慎者揀選章京一員坤都二員係東浩濟特旗下人不支餉銀

一蒙古各站額設馬匹不支馬乾每十匹准報三成倒斃每匹除扣皮臟銀二錢外應給倒斃價銀六兩三錢春秋二季由口北道庫內支領到站俟季首照數發給其廩羊每隻折價銀七錢俟應付差使完畢後再行呈報度支部照數支領

增纂

殺虎口驛站

一殺虎口營站司員所屬殺虎口漢站一十八家二十家薩勒沁歸化城  
杜爾格棟素海吉克蘇台巴彥布拉克阿嚕烏爾圖巴爾素海察罕扎  
達垓蒙古站十一共十二站

一殺虎口漢站額設馬四十四匹每匹日支草豆銀九分零九毫每十四匹准  
報二成倒斃每匹除扣皮臟銀五錢應給倒斃價銀七兩五錢每年應  
領價銀六十兩雜項錢二百零一兩四錢馬夫二十六名每名日支工食  
銀三分五釐驛書一名歲支工食銀十八兩九錢所有應領各項銀兩  
均按兩季支領每年於正七兩月赴由西藩庫支領到站發給

一八十八家蒙古站額設軍需喂馬十四匹每匹日支草豆銀八分三釐二毫  
七絲五忽草臺馬五十四匹不支馬乾章京一員坤都一員兵丁四十八  
名

一二十家蒙古站額設軍需喂馬十四匹每匹日支草豆銀八分三釐二毫  
七絲五忽草臺馬五十四匹不支馬乾章京一員坤都一員兵丁四十八

名

一薩勒沁蒙古站額設軍需喂馬十四匹每日支草豆銀八分三釐二毫七絲五忽草臺馬五十匹不支馬乾章京一員坤都一員兵丁四十八名

一歸化城蒙古站額設軍需喂馬十四匹每日支草豆銀八分三釐二毫七絲五忽草臺馬五十匹不支馬乾章京一員坤都一員兵丁四十八名

一額設軍需喂馬共四十匹准報二成倒斃每匹除扣皮臟銀五錢應給倒斃價銀七兩五錢共應領價銀六十兩按兩季支領每年於正七月赴山西藩庫支領到站發給以上四站弁兵均係土默特旗下人

一杜爾格蒙古站額設草臺馬五十匹不支馬乾章京一員坤都一員兵丁四十八名亦係土默特旗下人

一棟素海蒙古站額設草臺馬五十匹不支馬乾章京一員坤都一員兵

丁四十八名

一吉克蘇台蒙古站額設草臺馬五十匹不支馬乾章京一員坤都一員兵丁四十八名

一巴彥布拉克蒙古站額設草臺馬五十匹不支馬乾章京一員坤都一員兵丁四十八名

一阿嚕烏爾圖蒙古站額設草臺馬五十匹不支馬乾章京一員坤都一員兵丁四十八名

一巴爾素海蒙古站額設草臺馬五十匹不支馬乾章京一員坤都一員兵丁四十八名

一察罕扎達城蒙古站額設草臺馬五十匹不支馬乾章京一員坤都一員兵丁四十八名以上各站弁兵均係鄂爾多斯旗下人

一蒙古各站額設草臺馬匹准報三成倒餉每匹除扣皮贓銀三錢應倒餉價銀六兩三錢每年應領價銀一千零三十九兩五錢按四季支

領每季支領銀二百五十兩八錢七分五釐由殺虎口稅務監督衙門支領到站發給其原羊每隻折價銀七錢先行應付差使俟三年再行彙數呈報理藩部由部咨行度支部由部行文殺虎口稅務監督衙門照數支領

欽定理藩部則例卷三十三

郵政下

驛站應差查驗勘合火牌

給發烏拉票

填寫烏拉崇

奉差從役馬匹數目

熱河都統查站馳驛

察哈爾軍臺由管站部員巡查

應給廩糧

嚴禁背包

擅用驛遞夫馬

枉道擾驛

馳驛越站

整飭驛務



馳驛人員不得折給羊價

蒙古部落供應差馬廩羊

阿勒台軍站輪班備辦

伊犁等處所屬之汗王等來京隨帶跟役行李數目

七爾圖特等馳驛

因公馳驛

扎薩克等應食廩羊

扎薩克因公差人確其供應

喀爾喀四部落諭用烏拉支食廩給

內外扎薩克報部公文由驛遞送

失察驛丁爲竊

修造渡船

張家口臺站拏驛幫差

蒙古驛站官兵遺失公文兵牌分別示罰責革

欽定理藩部則例卷二十三

郵政下

增纂

驛站應差查驗勘合火牌

一奉差人員到站管站司員查驗勘合火牌照例應付其中途遇有事故應行扣除者將勘合火牌付驛註明由該驛轉傳下站一體扣除倘管站司員申報遺漏一經查出照例處分如驛站應付遲誤准奉差人員隨時具報查參

增纂

給發烏拉票

一凡大臣官員等奉差馳驛出口有應用烏拉者該大臣官員等報部移咨陸軍部辦給勘合外由部辦給烏拉票其馬匹照陸軍部勘合內數

日填寫發給

續纂

填寫烏拉票

一凡由京派往蒙古游牧地方出差巡察致祭之大臣官員領催押木等夏等處差所查旗之部員黑龍江呈

進貂皮庫倫呈

進野豬等項來京官兵及派出解送犯人來京之蒙古官兵均應領烏拉票據請領時先由部分別題咨行文陸軍部給予勘台兵牌火票本部核照陸軍部所給牌票填寫馬匹數目分別給予烏拉票兵牌馳驛前往差竣繳銷其差竣回京者由本員繳銷駐劄差所及由京差竣回京者由各該管大臣備文繳銷

增纂

奉從差役馬匹數目

一凡內地文武大小官員奉差出口馳驛從役人等乘用馬匹數目照陸軍部例給與

附載陸軍部條例

一文武大小官員各處差遣尋常慢差一品官從役七名馬十匹二品官從役六名馬八匹三品官從役五名馬七匹四品官從役四名馬六匹五六品官從役三名馬五匹七八九品官從役二名馬三匹庫使前鋒護軍領催各項拜唐阿從役一名馬二匹甲兵馬一匹其文職內副都御史通政史大理寺卿詹事照二品官例給馬四五品京堂翰詹衙門贊善檢討以上官員科道郎中照三品官例給馬員外郎主事鳴贊照四品官例給馬典籍中書司庫司務照六品官例給馬筆帖式不論品級照八品官例給馬武職內公侯伯鎮國將軍子爵及護軍統領照一品官例給馬輔國將軍無職掌男爵照二品官例給馬奉國將軍頭等侍衛照三品官例給馬奉恩將軍輕車都尉騎都尉二等三等侍衛照

四品官例給馬雲騎尉前鋒校親軍校護軍校驍騎校照六品官例給馬恩騎尉照八品官例給馬若係線急差遣一二品官從役四名馬六匹三四品官從役二名馬四匹五品以下從役一名馬二匹庫使前鋒護軍領催各項拜唐阿甲兵給馬一匹文職二品武職二品以上大臣官員引馬二匹包馬四匹文職四五六品武職三四五品官引馬一匹包馬二匹文職七八九品官武職六七八九品官引馬一匹包馬一匹無職人包馬一匹不給引馬

一二品至九品各官有

詔勅節冊者俱加馬二匹

增纂

熱河都統查站馳驛

一熱河都統協領筆帖式等查看喜峯口一帶驛站照出差例按照品級給與乘騎馬匹不支廩羊

續纂

察哈爾軍臺出管站部員巡查

一察哈爾軍站二十四臺專由該管站部員間年巡查一次倘有驛務廢弛馬匹虧短疲瘦等事由該部員隨時呈報都統等核辦仍於該都統等於隸年查旗之便隨在抽查該部員查臺年分不得與都統等查旗年分併爲一年

增纂

應給廩糧

一凡蒙古王貝勒貝子公台吉暨喇嘛等奉差由內地馳驛應給廩糧照內地大臣官等品級分別支給

附載陸軍部條例

一大臣官員奉差者給廩給一品官廩給銀二錢二品官廩給銀一錢八分三品官廩給銀一錢六分四五品官廩給銀一錢四分六七品官廩

給銀一錢二分八九品官俸給銀一錢無職人奉差及大臣官員從役各給口糧銀五分錢照時價凡已給廩糧停止飯食若給飯食停止廩糧倘遇緊要差遣飯食廩糧俱准文給口外蒙古土貝勒貝子公俱照依一品其頭二三四等台吉俱照依二四品官員例給與進藏扎薩克達喇嘛照依一品扎隆克喇嘛照依二品達喇嘛及副達喇嘛照依三品其跟隨徒衆不拘哈隆格蘇爾班第俱昇爲跟役如有違例與者受者照多支廩給律處分

律內凡出差人員多支廩給者計贖以不枉法論當該官吏與者減一等強取者以枉法論官吏不坐

### 增纂

#### 嚴禁重包

一凡蒙古土公喇嘛等奉差內地馳驛不得擅用重包違者照陸軍部例

#### 查議

#### 附載陸軍部條例

一駐防將軍都統副都統等齎奏本章用小匣裝盛若送冊籍用馬馱載

其裝填大包永行禁止至勘合火牌內應用包馬之背包均不得過六十斤令頭站驛員秤准斤數刷明印單每夜住宿之驛該驛員詳明查估果係照例裝載於印單內填寫某驛驗明並無重包字樣日間即可驗單應付若有背包過六十斤者許驛員將重包斤數詳揭將擅帶重包至七十斤者杖六十係職官降一級調用再有多帶者每十斤加一等加重包至一百斤以上杖一百係職官革職倘前站狗隱被後站查出將該驛員降二級調用

### 增纂

擅用驛遞夫馬

一凡駐劄口外將軍大臣除摺奏公務照例乘用驛站夫馬如有私用驛遞夫馬者照陸軍部例議處

附載陸軍部條例

一外省駐防將軍都統副都統等齎進本章等項公務俱填用部發勘合



火牌司驛官驗明方准應付如有私用驛遞夫馬並差遣家人衙役私  
發驛票支取夫馬者降二級調用其家人衙役係執該將軍都統副都  
統等驛票坐本官其家人衙役免其治罪至將軍都統副都統等所  
屬各官私發驛票支取夫馬者本官降二級調用該將軍都統副都統  
等失於覺察降一級留任如將軍都統副都統以下各官家人衙役並  
無驛票倚勢索取夫馬本官查拿具報該將軍都統副都統等題參者  
將擅率家人衙役按律治罪本官及將軍都統副都統等均免議倘該  
將軍都統副都統等不行題參及經過地方上司官已據驛遞詳揭容  
隱不參者均降二級調用若驛遞不行盤詰濫行應付者革職如將私  
驛黏入詳文內揭參司驛之員以應陞之缺卽陞

增纂

枉道擾驛

一內外差遣人員不照勘合火牌填註道路行走枉道騷擾驛站者係職

增纂  
官降二級調用無職人等鞭一百首先濫應驛站官員降一級調用

馳驛越站

一凡駐筭口外將軍大臣等差員齎遞奏章不得擅行越站行走違者照陸軍部例治罪

附載陸軍部條例

一外省駐防將軍都統副都統等所差齎奏員役除緊要事件連站星馳外其尋常事件按該處題定到京限期日行站數各於火牌內填註明白該經過地方查明應付如有越站跑傷馬匹者係職官降一級調用無職人鞭六十因而跑死驛馬者係職官降二級調用無職人鞭七十仍追償馬匹還官若有索詐財物者交法部治罪

續加修改

整飭驛務

一驛站馬匹不得缺額疲瘦違者查參如奉差人員藉端需索及縱容家人騷擾者驛站官吏分晰揭報參處

增纂

馳驛人員不得折給羊價

一凡口外馳驛人員驛所例給廩羊者照數支給羊隻不准折價

增纂

蒙古部落供應差馬廩羊

一內外扎薩克遵照理藩部所發印文供應差馬廩羊不許規避如不供應差馬者罰三九牲畜不供應廩羊者罰一九牲畜其投誠喀爾喀有附隸四十九旗地方者相其居處與何處相近亦照該旗定例應付違者照前例罰懲如奉差人員有勒索騷擾等情准其報部

增纂

阿勒台軍站輪班備辦

一阿勒台軍站承備辦烏拉之官員人役牲畜等項由喀爾喀四部落公同備辦三年由哲布尊丹巴呼嵩克圖之徒衆備辦三年輪流辦理

增纂

伊牲等處所屬之汗王等來京隨帶跟役行李數目

一伊犁塔爾巴哈台喀喇沙爾所屬之士爾扈特霍碩特等來京汗准帶跟役七名親玉六名郡王貝勒各五名貝子四名公扎薩克台吉各三名閒散頭等台吉至四等台吉各二名由游牧處所自備資斧起程至哈密地方再行官爲備辦汗准帶行李四千斤親王郡王三千斤貝勒貝子二千四百斤公一千八百斤扎薩克台吉一千二百斤閒散台吉六百斤每人各給騎馬一匹倘原定跟役不敷照料多帶跟役一人減去行李二百斤如再有多帶跟役者以次遞減

增纂

五爾扈特等駝驢

欽定理藩部則例

卷三十三

郵政下

二二

一 每年來京之士爾扈特杜爾伯特霍碩特扎哈沁青海王公台吉等因游牧時由請獎

聞准令馳驛前往

增纂

因公馳驛

一 各扎薩克一應公務皆准馳驛私事勿得擅用

修改

扎薩克等應食廩羊

一 管旗土貝勒貝子公台吉塔布囊等因公駐宿准食廩羊不得支食牛隻其不管旗之王貝勒貝子公台吉塔布囊非奉差並不得擅食廩羊違者管旗之王公台吉等罰俸三個月不管旗之王公台吉等罰五牲畜其濫行應付者減半科罰

修改

扎薩克因公差人准其供應

一凡扎薩克因公遣人出差領有烏拉票者所過旗分查驗票據供應駝馬廩羊如有票而不供應駝馬者罰二九牲畜不供應廩羊者罰五牲畜若令牧羣徒避者罰三九牲畜如無烏拉票據擅行乘騎駝馬支食廩羊者准申詳報部辦理

修改

喀爾喀四部落騎用烏拉支食稟給

一凡四部落已未管旗汗王貝勒貝子公以及台吉官員兵丁因公行走除騎用本身烏拉外准其於本旗支用烏拉廩給如本旗本身烏拉不敷准其於經過各旗酌量支用其私事行走止准於本旗屬下人等量加所能核計數用攢湊支用其屬下人等如曾給有達爾汗白紙票者亦准其於本部落旗下支用至哲布尊丹巴呼圖克圖之徒聚給有達爾汗票者止准於州倫界內支用倘有違例私用多用濫用並逾所屬

界址旗分部落者管旗之汗王貝勒貝子公扎薩克台吉等各罰扎薩克俸三年不管旗者各罰六九牲畜兵丁屬下人等鞭責革退仍交四部落盟長不時查察於每歲年終將各汗王扎薩克等有無違例私用多用濫用並逾所屬界址旗分及因公所用烏拉廩給數目確查報部由部覆核彙奏如該盟長等袒護隱匿不據實呈報別經發覺將該盟長與違例人一律治罪並由全邊左副將軍科布多參贊大臣駐劄庫倫辦事大臣每年一體查明報部入奏

續纂

內外扎薩克報部公文由驛遞送

一 內外扎薩克報部公文除引

見襲職

年班朝

覲請

安謝

恩進

貢九白羊酒聽事關領時憲書俸銀俸緞費送比丁冊檔家譜呈送班第解送犯人等項例須人文到部公文准其分別親身專員進京赴部當堂投遞外其餘公文內扎薩克哲哩木一盟就近交

盛京將軍衙門卓索圖昭烏達二盟就近交熱河都統衙門錫林郭勒二盟就近交察哈爾都統衙門伊克昭烏蘭察布二盟就近交綏遠城將軍衙門外扎薩克喀爾喀四部落及土爾扈特等處交各該管之將軍大臣衙門由驛轉遞徑達陸軍部移交本部均不准專員進京投遞倘不祇遵或指稱因便攜帶告投者由司務廳飭駁一概不予收辦

增纂

失察驛丁爲竊

一驛丁爲竊照例治罪其管驛官罰一九牲畜驍騎校罰五牲畜領催鞭



風十... 增纂... 郵政

增纂 修造渡船

一科爾沁孔薩克固山貝子旗沙拉木楞沙拉巴魁地方之河設渡船五隻每五年一次大修每五年一次大修至十年損壞者另行修造其應行修造之處該旗據實報部由部咨行... 盛京總督衙門照例修造

增纂

張家口臺站駁驛幫差

一張家口臺站地處衝要往來差務最為繁多各該站額設駝十隻馬二

十二... 如遇差務繁多駝馬竭蹶准管站司員呈明該都統向商民駁驛幫差

一經差竣即傳該商民領回或有損傷倒幣按照例價官為給還如有

藉端妄擊等弊該都統卽行參辦其商民幫用駝馬數目該都統於每  
年年終彙奏一次

續纂

蒙古驛站官兵遺失公文兵牌分別示罰責革

一蒙古驛站官兵遺失公文兵牌者將遺失之兵丁鞭責革退錢糧本站  
官員罰錢糧一年

欽定四庫全書

卷三十三 歸政下

一八

欽定理藩部則例卷三十四

邊禁

稽察出入邊門

太監出入關口給與印票

五台山進香給與路引

王公等赴歸化城採買馬駝

私來內地不准容留

買人出邊

越邊被獲三日內起解

貿易報明該旗

蘇克都爾屬下人丁出境

庫爾齊呼地方禁止放槍游獵

科布多西南添設兵馬統隻

卡倫管兵曠職

扎薩克巡查鄂博

商人應領部票

失案商民越界貿易

唐努烏梁海等禁止商民貿易

唐努烏梁海不准與商民賒借

嚴禁商民漁利

懲處逃回奸民

哈薩克私入卡倫拒捕擬罪

哈薩克私人卡倫分竊分別擬罪

失察蒙古人出境

大青山後添設卡倫

大青山後移駐卡倫

失察商民偷渡出口

哈薩克不准私入內地

塔爾巴哈台守卡台吉失察哈薩克私越卡倫議處

杜爾伯特等旗向商民貿易一禮頒發部票

蒙古喇嘛等出境請領票據

庫倫等處分別逐留種地貿易商民

歐 定 理 藩 部 則 例

卷 三 十 四 目 錄

欽定理藩部則例卷三十四

邊禁

修改

稽察出入邊門

一凡內外各扎薩克蒙古等准由山海關喜峯口古北口獨石口張家口  
殺虎口出入行走進口時邊門章京查明登記出口時仍行查驗放行  
其餘邊門不准行走

增纂

太監出入關口給與印票

一凡口外居住之王公格格等遣太監入口請  
安稟明該扎薩克給與印票准其入口在京居住之  
王公格格等遣太監前往熱河請



安先期報部辦行陸軍部給與印票准其出口如土

公福晉等遣太監前往熱河請

安者亦著呈報該旗轉行陸軍部給與印票

續加修改

五台山進香給與路引

一內扎薩克王貝勒貝子公扎薩克等有前赴五臺山進香者將所帶跟役人等數目並由何口行走經過之處呈明該盟長聲明報部覈辦咨行陸軍部給與路引統於年終彙奏事畢回旗後仍將原領路引送部咨送陸軍部查銷至所帶跟役人等親王郡王不得過八十名貝勒貝子公等不得過六十名並皆不准攜帶烏鎗

增纂

王公等赴歸化城採買馬駝

一凡各扎薩克王貝勒貝子格格額駙等有赴歸化城採買馬駝者報

部具奏請

旨  
增纂

私來內地不准容留

一王貝勒貝子公台吉塔布囊等所屬人有私行來內地者查出卽行發還

增纂

買人出邊

一蒙古等買內地民人出邊者永禁止

修改

越邊被獲三日內起解

一凡越邊逃走之人被扎薩克等緝獲將來人犯於三日內起解送部  
若過三日將扎薩克王貝勒貝子公台吉塔布囊罰俸三個月

續加修改

貿易報明該旗

一凡蒙古人等貿易廩明扎薩克王公等並管旗章京副章京擬一章京爲首領令十人以上合夥而行若夥中無首領之人或被傍人拏獲或滋生事故各坐應得之罪其管旗王公台吉章京副章京參佐領俱照疎於約束例治罪至探望親戚及有事故行走之人各稟明管旗王貝勒貝子公台吉或管旗章京副章京將緣由註明給與執照前往若持照前往之人往返途間行竊爲匪各坐應得之罪其給照之王公等管旗章京副章京照失察例治罪若僞造假照詐冒而行被獲爲首者鞭一百罰三九牲畜爲從者鞭九十罰二九牲畜設僞造假照詐冒而行往返途間又犯行竊爲匪等事者除鞭罰本罰外仍視其所犯案由治以應得之罪從犯減一等所有該管王公等各照疎於約束失察本例上所一等治罪

增纂

蘇克都爾屬下人丁出境

一蘇克都爾屬下人丁往各處貿易及前往別游牧處探親等事稟明該扎薩克參佐領酌量路途遠近勒限給假領票前往若不行稟明潛往或逾限不歸者該扎薩克參佐領卽行嚴處示懲

修改

庫爾齊呼地方禁止放鎗游獵

一喀爾喀所屬之庫爾齊呼地方禁止放鎗游獵違者管旗之王公台吉罰俸二年不管旗之王公台吉罰四九牲畜平人鞭八十

增纂

科布多迤南添設兵馬駝

一科布多迤南接連古城八站三卡倫每站各添蒙古兵五名馬十四匹駝十隻將原派之喀爾喀兵丁全行撤回所有兵缺均以扎哈沁人頂補

照例給與鹽菜口糧各站兵丁十名內揀委草京一人仍聽扎哈沁總管約束

修改

卡倫官兵曠職

一卡官兵等曠職誤期佐領革職罰三九牲畜驍騎校革職罰二九牲畜存公披甲人等鞭一百不至所派之處另至他處者章京驍騎校革職披甲人等鞭八十

增纂

扎薩克巡查鄂博

一巡查鄂博由里雅蘇台每年派扎薩克一員巡查

增纂

商人應領部票

一商人等出外貿易由察哈爾都統綏遠城將軍多倫諾爾同知密門領

取部票該衙門給發部票時將該商姓名及貨物數目所往地方起程日期另繕清單黏貼票尾鈴印發給一面知照所往地方大臣官員衙門不准聽其指稱未及領取部票由別衙門用領路引爲憑違者查出照無部票列治罪其商人部票著該地方大臣官員查驗存案務於一年內勒限催回免其在外逗遛生事如商人已到所往地方欲將貨物轉往他方貿易者卽呈報該處衙門給與印票亦知照所往地方大臣官員衙門倘並無部票私行貿易者枷號兩個月期滿笞四十逐回原省將貨物一半入官

### 續加修改

#### 失察商民越界貿易

一西北兩路內地民人與外藩交易俟外藩人等到該管將軍大臣所轄地方准貿易責成該將軍大臣等嚴行查辦毋任越界妄行如失於覺察致生越界等事將該將軍大臣等交部議處

增纂

唐努烏梁海等處禁止商民貿易

一唐努烏梁海三佐領烏里雅蘇台北邊九台站等處不准商民貿易其烏梁海人等有換取什物者於進皮張之便前往烏里雅蘇台貿易續加修改

唐努烏梁海不准與商民賒借

一商民在烏里雅蘇台與唐努烏梁海人等交易務用現銀置買貨物不准挪借銀兩賒給物件如違禁賒借及私至游牧地方討取賬目查出以違禁論

增纂

嚴禁商民漁利

一內地民人不准在游牧地方借給蒙古人等銀兩漁利違者將商民賬目已完者飭令回籍未完者展限完結毋任過遛其並無執照奸民卽

行拏送該將軍大臣照例治罪倘該扎薩克官員容隱不報一經查出  
一併參處

增纂

懲處逃回奸民

一未領執照奸民有由蒙古部落業經逐回原處復行私回蒙古部落者  
查出將奸民枷號該處商市兩個月滿日鞭一百解回原籍永不准出  
口

修改

哈薩克私入卡倫拒捕擬罪

一伊犁等處如有哈薩克迷路誤入卡倫因被查拏拒捕者照竊馬例擬  
以絞決

續纂

哈薩克私入卡倫劫竊分別擬罪



一哈薩克私入卡倫竊案得財者首犯卽行正法從犯發煙瘴劫案得財者不分首從卽行正法

增纂

失察蒙古人出境

一各旗蒙古人出境必於本旗稟明違者將失察之管旗章京副章京參領佐領十家長照疎於約束例分別議處

續纂

大青山後添設卡倫

一大青山後毗連各扎薩克蒙古游牧定於四子部落都土邊界設添卡倫四處達爾汗貝勒邊界添設卡倫二處茂明安扎薩克邊界添設卡倫一處烏拉特公三旗邊界添設卡倫二處共添設卡倫十處責令巡查賊盜其坐卡官兵由該扎薩克出派輪替住宿報緝共應坐卡官兵若干員名并令各該扎薩克開造花名清冊按季具報綏遠城將軍衙

門以備查核

修改

大青山後移駐卡倫

一大青山後一帶察罕庫圖勒卡倫原設官一員兵十五名於呼雅克圖地方舊設滿洲官一員兵十五名並土默特官二員兵三十名內撤出土默特官一員兵十五名移於察罕庫圖勒及鞏漢特克二處與滿洲官一員兵十五名按月輪替分駐會哨巡緝於巴彥布拉克原設之滿洲官一員兵十五名土默特官一員兵十名內撤出土默特官一員兵十名移於特察默土地方駐筭於察罕庫圖勒迤西土默特茂明安烏拉特接壤處所之克力溝地方添設卡倫一處由各該旗出派官一員兵十名駐筭巡緝如出後遇有呈報失事責成卡倫官兵各按分定界址封堙追蹤嚴緝但有推諉卽予參辦其鄉村散放牛馬遇有搶刦無論蒙古民人責成歸化廳督率里長保正與出派官兵一律緝拏限滿

無獲照例開參其達爾汗貝勒四子王旗蒙古來城均令遵照舊制由扎薩克給與執照以備進卡查驗其餘各旗有無窩留匪徒仍令按季呈報將軍衙門查核疎漏不報聽該將軍參辦其集錦商民捐蓋房間原爲官兵而設卽由官爲經理不得招致流民其附近西時圖呼圖克圖徒衆錯雜駐劄之卡倫兵丁有無窩盜爲匪情事由該佐領驍騎校稽查管束該卡倫官兵盤費銀兩由土默特庫存駝價生息修理軍器兩項銀兩項下撥出銀九千兩交歸綏道發商生息支給其添設克力溝卡倫官兵由出派之該旗管轄卡倫官兵盤費銀兩於修理軍器生息項下減半支給一年各支用若均由該將軍入於記檔銀兩冊內年終報部

續纂

失查商民偷渡出口

一蒙古官員失查商民偷渡出口者降一級無絀可降折罪二九牲畜存

公

備賞

續纂

哈薩兒不准私入內地

一烏梁海西界設立卡倫四處派兵防守不准哈薩克潛入烏梁海游牧地方如私人內地立即驅逐仍責成卡倫官員不時嚴查

續纂

塔爾巴哈台守卡台吉失祭哈薩克私越卡倫議處

一塔爾巴哈台管理霍尼邁拉虎等卡倫台吉二年更換期滿無過各予紀錄一次倘遇有哈薩克私越卡倫行走該台吉等疎於防查致被他處盤獲者將該台吉等各罰二九牲畜

續纂

杜爾伯特等旗向商民貿易一體頒發部票

一杜爾伯特額魯特明噶扎特喀沁等旗如有願向商民貿易者由該參贊大臣取具該旗印結報部查照扎爾喀四部落貿易之例發給部票續纂

蒙古喇嘛等出境請領票據

一凡各旗蒙古及喇嘛等出境或載貨貿易或拜佛熬茶於各該管官各就近給發票據并移咨交界各旗按月派員實力巡查如有私自出境者除勒令回歸本處仍治以違例之罪其蒙古地方接壤交界并責成各該管官不時親歷巡查如有別旗無業蒙古隱跡其間立即逐回該旗照例治罪仍將容留之蒙古量予責懲

續纂

庫倫等處分別逐留種地貿易商民

一在圖什業圖汗部落內伊埤地方種地民人領有嘉慶八年執照者准其在彼居住種地應用長工人數遵照內地稽查保甲之例設立門牌

詳註姓名籍貫令該扎薩克按月稽查如有來去立即以印文報明庫倫管理商民事務章京另行更換庫倫管理商民事務章京接據印文即咨覆該扎薩克存案以便稽查如不實力奉行將該庫倫管理商民事務章京並扎薩克一併嚴參治罪

一庫倫街市商民情願前往各扎薩克旗下貿易者不准用三個月小票著於庫倫管理商民事務章京處請領印票由該章京處量其道路遠近酌定期限將前往何旗貿易所帶係何貨物并該民人年貌註明票內給發一面行知該扎薩克稽查務於限內催令旋回貿易處所只准支搭帳房不准苫蓋房間如逾限不回者著該扎薩克立即拏送庫倫管理商民事務章京處照例治罪

一各游牧處所著該旗扎薩克協理台吉不時留心稽查如有無票私行潛往游牧之民人立即拏呈送嚴庫倫大臣處照例治罪每年仍著該盟長會同庫倫管理商民事務章京巡查一次如有無票民人棲止將

該扎薩克等嚴參治罪

一承領嘉慶八年執照票張准在該遊牧種地之民人一百五十三名如有與蒙古等父相貿易者其賬目著該盟長扎薩克商卓特巴會同庫倫管理商民事務章京按年詳查俱令年清年款不准新陳相接如有身故者其賬目房間著該庫倫管理商民事務章京照八年奏定章程辦理如有年老廢疾不能回籍者臨期作何安置著該管理商民事務章京呈明該辦學大臣等酌奪辦理報部

欽定理藩部則例卷三十五

人命

致死家奴屬下人等

致傷家奴屬下人等

蒙古汗王等擅用金刃等物傷人殺人

蒙古屬下官員等擅用金刃等物傷人殺人

奴殺家主

夫故殺妻

鬪殺

戲殺過失殺傷人

因傷墜胎



純定環藩部則例

卷三十五 目錄

欽定理藩部則例卷三十五

人命

修改

致死家奴屬下人等

一凡管族之汗王貝子台公吉塔布等故將人鞭毆致死者係家奴  
罰俸一年係閒散屬下人罰二年俸係旗下官員披甲罰俸三年致死  
閒散上公台吉名下等罪同仍各罰二九牲畜給付死者之家其妻子  
弟兄一併遣赴別旗聽其自便其閒散王公台吉有犯各視其致死之  
人照管旗之王公台吉罰俸年分分別折罰牲畜存公仍各罰二九牲  
畜給付死者之家其妻子兄弟止令出戶聽其擇主自投無庸遣往別  
旗如致死者係扎薩克名下及同旗王公台吉名下人各視本例加一  
等科罪其管旗章京副章京參佐領驍騎校有犯各視其致之人照閒  
散王公台吉例辦理如致死者係扎薩克名下及同旗王公台吉名下

人均照刑例以凡論

一凡已未管旗之汗王貝勒貝子公台吉塔布囊以及管旗章京副章京參佐領驍騎校等誤將人鞭毆致死者如實有證據係屬由誤致死經該盟長扎薩克審實報部各照故將人鞭毆致死例減半科罪死者之妻子兄弟均毋庸令其出旗出戶

修改

致傷家奴屬下人等

一凡管旗之汗王貝勒貝子公台吉塔布囊故將人鞭毆成傷者係家奴罰俸半年係閒散屬下人罰俸一年係旗下官員披甲罰俸二年致傷閒散王公台吉名下者罪同仍各罰一九牲畜給付傷者之家其妻子兄弟均令出戶令其閒散王公台吉有犯各照管旗之王公台吉罰俸年分分別折罰牲畜存公仍各罰五牲畜給付傷者之家其妻子兄弟均令出戶如致傷者係扎薩克名下及同旗王公台吉名下人各視本

例加一等科其管旗章京副章京參佐領驍騎校有犯各視其致傷之人照閒散王公台吉例辦理如致傷者係扎薩克名下及同旗王公台吉名下人均照刑例以凡論倘因而致死者照故將人鞭毆致死例理辦

一凡已未管旗之汗王貝勒貝子公台吉塔布囊以及管旗章京副章京參佐領驍騎校等誤將人鞭毆致傷者如實有證佐係屬由誤致傷經該盟長扎薩克審實報部各照故將人鞭毆致傷例減半科罪其傷者之妻子兄弟均毋庸令其出戶倘因而致死者照誤將人鞭毆致死例辦理

### 修改

蒙古汗王等擅用金刃等物傷人殺人

一凡已未管旗之汗王貝勒貝子公台吉塔布囊等擅用金刃傷人者無論所傷者係何項人各罰俸二年無俸台吉塔布囊各罰四九牲畜存

公因而致殘廢者汗王貝勒貝子公各罰俸三年無俸台吉塔布囊各罰六九牲畜存公仍各罰一九牲畜給予殘廢者之家其因而致死並擅用金刃殺人者閒散台吉塔布囊照刑例定擬汗王貝勒貝子公扎薩克均查照刑例聲明請

旨其並非擅用金刃以手足他物傷人及因而致殘廢者各減擅用金刃例一等科罪其以手足他物傷人因而致死並以手足他物殺人者汗王貝勒貝子公扎薩克及閒散台吉塔布囊各照擅用金刃傷人因而致死及殺人例分別科論其有服制者仍服制論

### 修改

蒙古屬下官員等擅用金刃等物傷人殺人

一凡蒙古屬下官員及平人擅用金刃傷人者無論所傷者係何項人官員革職罰二九牲畜存公平一鞭一百因而致殘廢者官員革職罰四九牲畜存公平人鞭一百加枷號一箇月仍各罰一九牲畜給予殘廢

者之家其因而致死并擅用金刃殺人者均照刑例定擬其並非擅用金刃以手足他物傷人及因而致殘廢者各減擅用金刃例一等科罪其以手足他物傷人因而致死並以手足他物殺人者亦照刑例科斷其有服制者仍依服制論

### 舊例

奴殺家主

一家奴殺其主者凌遲處死

### 修改

夫故殺妻

一凡蒙古台吉塔布囊並屬下官員平人無故毆妻致死者絞故殺者亦絞均監候過失殺者如確有證佐由該盟長扎薩克審實屬係過失台吉塔布囊並屬下官員革職枷號六十日鞭一百平人枷號六十日鞭一百仍各罰二九牲畜給妻之母家其汗王貝勒貝子公扎薩克有犯

前項罪名查照刑例聲明請

修改

鬪殺

一凡鬪毆傷重五十日內身死毆之者絞監候其共毆者照刑例定擬

修改

戲殺過失殺傷人

一凡蒙古戲殺過失殺傷人俱查照刑例分別定擬

修改

因傷墮胎

一凡以手足他物傷人案內係婦人因而墮胎者汗王貝勒貝子公罰俸

二年無俸台吉塔布囊罰四九牲畜存公官員革職罰四九牲畜存公

平人鞭一百加枷號一箇月仍各罰一九牲畜給墮胎者之家其因而

致死並訊有謀故等情者均照刑例辦理

欽定理藩部則例卷三十六

強劫

強劫盜犯不分首從擬罪

夥衆搶奪分別擬罪

台吉強劫殺人

台吉強劫傷人得財

台吉強劫傷人未得財

台吉強劫未傷人分別得財未得財

台吉罪至斬絞產畜家奴免其查抄

賊盜聚衆強掠及捕殺傷官兵不分首從皆斬

官兵因賊拒捕情急致誤傷亡賊匪

強劫案內首犯在逃從犯監候



劫竊人犯解送原犯事地方正法

抄沒賊人產畜不給喇嘛

蒙古婦女犯罪發遣

蒙古民人夥同搶劫從重科斷

欽定理藩部則例卷三十六

強劫

修改

強劫盜犯分首從擬罪

一凡青海及各蒙古地方無論蒙古番子民人凡有聚衆執持弓矢軍器白日邀劫道路賊證明確及昏夜持火執刀塗臉入室搜掠財物實有殺人放火各重情者不分首從皆斬立決梟示該管官照例議處

蒙古盜劫之案

實有殺人放火各重情者方照此例問擬其餘尋常盜劫之案不得援引此例

一凡尋常盜劫之案均照刑例爲首斬決爲從分別法無可貸情有可原免死發遣之例發煙瘴地方該管官照例議處

修改

夥衆搶奪分別擬罪

一青海及各蒙古地方凡有槍奪未經傷人得財數在二人以下者首犯發雲貴兩廣煙瘴地方從犯俱發湖廣福建江西浙江江南如四人以上至九人者不分首從俱發雲貴兩廣極邊煙瘴地方均交驛站充當苦差但有傷人及捆縛事王者即將喝令下手之犯擬絞監候爲從案係二人以下者發雲貴兩廣煙瘴地方係四人以上至九人者發雲貴兩廣極邊煙瘴地方均交驛站充當苦差殺人者擬斬立決爲從擬絞監候其搶奪牲畜在十匹以上者財物在一百二十兩以上者爲首擬斬監候糾夥三十人以上者無論傷人與否爲首擬斬立決爲從均擬絞監候秋審時由法部核情定擬實緩所有各犯產畜均籍沒給付事主大察之該管及地方官照例議處

修改

台吉強刦殺人

一凡已未受職台吉等或一二人或夥衆強刦殺人無論得財未得財爲

修改

首及為從動手者皆即處斬為從同行並未動手但於事後分贓者  
斬監候秋審時入於緩決其造意不行無論分贓未分贓革去台吉柳  
號二箇月鞭一百發往伊犁充當苦差同謀未同行分贓及已行未分  
贓者均革去台吉柳號兩箇月鞭一百發往鄰盟嚴加管束同謀未同  
行亦未分贓者革去台吉柳號一箇月鞭一百發往鄰盟嚴加管束

台吉強劫傷人得財

一凡已未受職台吉等或二人或夥眾強劫傷人未死得財者首犯擬  
斬監候秋審時入於緩決為從動手者革去台吉柳號兩箇月鞭一百  
發往烏魯木齊充當苦差同行並未動手但於劫後分贓者革去台吉  
柳號兩箇月鞭一可發往鄰盟嚴加管束造意不行無論分贓未分贓  
革去台吉柳號兩箇月鞭一百發往鄰盟嚴加管束同謀未同行分贓  
及已行未分贓者革去台吉柳號一百發往隣盟嚴加管束同謀未同行

欽定理藩部則例

卷三十六

強劫

三

又未分贓者革去台吉鞭一百永不准其開復

修改

台吉強劫傷人未得財

一凡已未受職台吉等或一二人或夥衆強劫傷人未死未得財者首犯擬絞監候秋審時入於緩決爲從動手者革去台吉枷號一箇月鞭一百發往鄰盟嚴加管束其造意未行者革去台吉枷號一箇月鞭一百發往鄰盟嚴加管束同謀未同行者革去台吉鞭一百永不准其開復

修改

台吉罪至斬絞產畜家奴免其查抄

一凡台吉強劫之案除罪應斬絞並發往鄰盟各犯其產畜家奴毋庸查

議外如罪止革去台吉不准開復者該犯等之產畜家奴俱照依台吉

行竊例辦理

增纂

賊盜聚衆強掠及拒捕殺傷官兵不分首從皆斬

一蒙古地方凡有賊盜聚衆數在三人以上持執凶器倚強肆掠及夥同拒捕持械殺傷官兵者均不分首從皆斬

增纂

官兵因賊拒捕情急致誤傷亡賊匪

一蒙古官兵因賊拒捕情急致傷亡賊匪者若令遵照格殺勿論例辦理恐其誤殺無辜如遇此等案件責令該盟長等確切查明證據報部覈辦

修改

強劫案囚首犯在逃從犯監候

一凡蒙古聚衆行劫致傷事王等案如首犯在逃將從犯照例定擬監禁俟逃犯戈獲時質訊明確再將所定罪名分別報部題請處決發遣

修改

劫竊人犯解送原犯事地方正法

一蒙古內行劫傷人得財者將首從加功人等法應立決并諭四項牲畜等犯內秋審予勾者俱解往原犯事地方正法應梟示者梟首示戒  
修改

抄沒賊人產畜不給喇嘛

一凡賊犯強劫喇嘛牲畜案內抄出賊犯產畜均存公備賞不給喇嘛  
修改

蒙古婦女犯罪發遣

一蒙古地方強盜案內爲從蒙古婦女情有可原者發往鄰盟給公事効力台吉爲奴

增纂

蒙古民人夥同搶劫從重科斷

一蒙古地方搶劫案件如俱係蒙古人專用蒙古例俱係民人專用刑律如蒙古與民人夥同搶劫核其罪名蒙古例重於刑律者蒙古與民人俱照蒙古例問擬刑律重於蒙古例者蒙古與民人俱照刑例問擬

欽定理藩部則例卷三十七

偷竊上

偷竊

臨幸圍場營盤馬匹

私人圍場偷竊牲畜木植分別治罪

偷竊官牧牲畜分別治罪

蒙古地方偷竊牲畜視其匹數分別治罪

偷竊牛馬駝駒犢合計辦理

偷竊猪狗雞鴨等畜

偷竊銀兩等物計贓擬罪

偷竊計贓擬罪刺字

土爾扈特等處偷竊牲畜



官員平人偷竊牲畜等物拒捕殺人  
官員平人偷竊牲畜等物拒捕傷人  
私入圍場人犯不論首從刺字  
蒙古地方盜挖金銀礦砂各犯罪名

欽定理藩部則例卷三十七

偷竊上

修改

偷竊

臨幸圍場營盤馬匹

一恭遇

臨幸圍場偷竊營盤馬匹五匹以上者不分蒙古民人爲首者擬絞立決示衆  
三匹以上者發雲南貴州廣東廣西煙瘴地方一二匹者發湖廣福建  
江西浙江江南等省俱交驛站充當苦差徭犯各減一等

修併

私人圍場偷竊牲畜木植分別治罪

一察哈爾及各扎薩克旗下蒙古有私人圍場砍木植偷打牲畜者均照

刑例定擬其人犯應枷責者將失察之該管官罰七牲畜扎薩克罰俸三箇月罪應發河南山東者該管官罰一九牲畜扎薩克罰俸六箇月罪應發湖廣等省者該管官罰二九牲畜扎薩克罰俸九箇月罪應發雲南等省者該管官罰三九牲畜扎薩克罰俸一年所罰牲畜均存公修改

偷竊官牧牲畜分別治罪

一蒙古地方場官兵牧偷竊官牧牛馬駝隻或私行售賣或宰殺私食或匿爲己產者一匹至九匹牧官革職發往黑龍江當差牧兵不分首從僉妻子發往黑龍江給兵丁爲奴雖經同謀並未同行無論竊後已未分贓均枷號六十日滿日鞭一百十匹以上者無論官兵首從一併擬絞將首犯立決同行爲從者監候秋審入於緩決雖經同謀並未同行無論竊後已未分贓均擬發雲南貴州廣東廣西煙瘴地方交驛站充當苦差其並未同謀僅止竊後知情分贓換竊故買代賣代存者均枷

號六十日滿日鞭一百蒙古民人夥同官牧人等偷竊者照官牧等人  
一律問擬其蒙古民人有犯前項罪者一匹至九匹不分首從均擬  
發雲南貴州廣東廣西煙瘴地方交驛站充當苦差同謀並未同行無  
論竊後已未分贓均枷號四十日滿日鞭一百十四以上者首犯絞擬  
監候秋審入於緩決爲從者擬發雲南貴州廣東廣西煙瘴地方交  
站充當苦差同謀並未同行無論竊後已未分贓擬發湖廣福建江西  
浙江江南等省交驛站充當苦差並未同謀僅止竊後知情分贓換贓  
故買代賣存者均枷號四十日滿日鞭一百其牧場官兵偷竊案內  
之失察該管扎薩克譯俸二年台吉官員罰四九牲畜蒙古民人偷竊  
案內之失察該管扎薩克譯一年台吉官員罰二九牲畜內偷竊官  
牧羊隻一項仍照例按四隻合一計算問擬

修改

蒙古地方偷竊牲畜視其匹數分別治罪

一偷竊牲畜一二匹爲首者枷號一箇月鞭一百爲從同行分贓者鞭一百雖經同謀並未同行但於竊後分贓者鞭九十

一偷竊牲畜三匹至五匹爲首者發河南山東爲從同行分贓者枷號一箇月鞭一百雖經同謀並未同行但於竊後分贓者鞭一百

一偷竊牲畜六匹至九匹爲首者發湖廣福建江西浙江江南爲從同行分贓者發河南山東雖經同謀並未同行但於竊後分贓者枷號一箇月鞭一百

一偷竊牲畜十匹以上爲首者發雲南貴州廣東廣西煙瘴地方爲從同行分贓者發湖廣福建等省雖經同謀並未同行但於竊後分贓者發山東河南

一偷竊牲畜二十匹以上爲首者擬絞監候秋審擬入緩決減等時發雲南貴州廣東廣西煙瘴地方爲從同行分贓者發雲南貴州廣東廣西煙瘴地方雖經同謀並未同行但於竊後分贓者發湖廣福建等省

一偷竊牲畜二十四匹以上不分首從均擬絞監候秋審時首犯擬入情實從犯擬以緩決減等時發雲南貴州廣東廣西煙瘴地方雖經同謀並未同行但於竊後分贓者發雲南貴州廣東廣西煙瘴地方

一偷竊牲畜案內羊隻一項與牛馬駝隻價值多寡迥異以羊四隻作牛馬駝一隻合算其竊羊不及四隻者爲首鞭一百爲從同行分贓者鞭九十雖經同謀並未同行但於竊後分贓者鞭八十

一偷竊牲畜犯擬死擬遣擬鞭責案內如有造意未行竊後已未分贓併雖經同謀並未同行亦未分贓及並未同謀並未同行僅止竊後分贓者均查照偷竊銀兩等物計贓擬罪例定擬

以上各條首從賊犯應發遣者均交驛充當苦差應鞭責者蒙古照例鞭責民人折責發落其犯枷號鞭責罪名案結復犯者均視其偷竊匪數各按本罪加等定擬

### 增纂

偷竊牛馬駝駒犢合計辦理

一蒙古地方偷竊牛馬駝案內有四歲犢五歲馬駒五歲駝駒者照偷羊之例以四匹爲一匹辦理其不及四匹者亦照偷羊不及四隻分別鞭責發落

修改

偷竊猪狗雞鴨等畜

一偷竊猪狗雞鴨等項照偷竊財物例計贓科罪

修改

偷竊銀兩等物計贓擬罪

一蒙古地方偷竊銀兩什物其價值自一兩至十兩爲首者鞭九十爲從同行分贓者鞭八十雖經同謀並未同行但於竊後分贓者鞭七十

一偷竊十兩以上至四十兩爲首者鞭一百爲從同行分贓者鞭九十雖經同謀並未同行但於竊後分贓者鞭八十

一偷竊四十兩以上至七十兩爲首者發遣山東河南爲從同行分贓者鞭一百雖經同謀並未同行但於竊後分贓者鞭九十

一偷竊七十兩以上至一百兩爲首者發遣湖廣福建江西浙江江南爲從同行分贓者發遣山東河南雖經同謀並未同行但於竊後分贓者鞭一百

一偷竊一百兩以上至一百二十兩爲首者發遣雲南貴州廣東廣西煙瘴地方爲從同行分贓者發遣湖廣福建等省雖經同謀並未同行但於竊後分贓者枷號一箇月滿日鞭一百

一偷竊一百二十兩以上爲首者絞監候秋審時入於緩決爲從同行分贓者發遣雲南貴州廣東廣西煙瘴地方雖經同謀並未同行但於竊後分贓者發遣山東河南

一合吉等有犯以上各項罪名俱照合吉行竊例辦理

一首犯擬死罪案內如有雖經同謀並未同行亦未分贓及並未同謀並



未同行僅止竊後分贓者台吉等罰三九牲畜平人鞭一百

一首犯擬死案內如有雖經同謀並未同行亦未分贓及並未同謀並未

同行僅止竊後分贓者台吉等罰二九牲畜平人鞭八十

一首犯擬鞭責案內如有雖經同謀並未同行亦未分贓及並未同謀並未

未同行僅止竊後分贓者台吉等罰一九牲畜平人鞭六十

一竊後知情窩贓買贓代賣換贓無論首犯定擬何罪台吉等罰七牲畜

平人鞭五十不知情者不坐罪

一偷竊各案知情隱匿不報者台吉等罰五牲畜平人鞭四十不知情者

不坐罪

一擬死遣鞭責各案內造意未行分贓者以爲首論造意未分贓者以爲

從論

一偷竊四項牲畜例內有不詳盡者俱援照此例辦理

續加修改

偷竊計贓擬罪刺字

一各案首從賊犯應發遣者均照例刺字交驛站充當苦差應鞭責者蒙古照例鞭責民人折責發落

修改

土爾扈特等處偷竊牲畜

一新疆土爾扈特杜爾伯特額魯特霍碩特輝特烏梁海等處蒙古偷竊牛馬駝隻照內外各扎薩克蒙古一律辦理其羊隻一項仍以四羊作一牲畜合計科罪

續加修改

官員平人偷竊牲畜等物拒捕殺人

一官員平人偷竊牲畜等物拒捕殺死事主及事主雇工奴僕隣佑爲首者擬斬立決爲從者并妻子僉發雲貴兩廣煙瘴地方交驛站充當苦差首從均籍沒其產畜給付被殺者之家

續加修改

官員平人同竊牲畜等物拒捕傷人

一官員平人偷竊牲畜等物拒捕傷人未死爲首者擬絞監候籍沒其產

畜給付被傷之人本犯妻子暫存該旗俟秋審減等釋放時將本犯并

妻子發湖廣福建江西浙江江南等省爲從者并產畜妻子俱發河

南山東均交驛站充當苦差

增纂

私人圍場人犯不論首從刺字

一拏獲私人圍場人犯審明或打鎗放狗或採菜砍木除照例分別擬罪

外不論首從已得贓者皆面刺盜圍場字未得贓者皆面刺私人圍場

字如有再犯易於辯識本崗私人圍場亦照此例一律辦理

續纂

蒙古地方盜挖金銀礦砂各犯罪名

一蒙古地方有盜挖金銀礦砂者除首從各犯仍照刑例分別定擬外將得錢招留之蒙古地主均於盜挖礦砂爲首各犯本罪上加一等科斷罪止極邊煙瘴充軍

附載刑例

一盜挖金銀礦砂計贓准竊盜論若在山洞捉獲持杖拒捕者不論人數砂數寡及多初犯再犯俱發邊遠充軍若殺傷人爲首者照竊盜拒捕殺人律斬不曾拒捕草聚至三十人以上者不論砂數多寡及初犯再犯爲首發近邊充軍爲從枷號三箇月照竊盜罪發落若不曾拒捕又人數不及三十名者爲首初犯枷號三箇月照竊盜罪發落再犯亦發近邊充軍爲首者從止照竊罪發落又產礦山場地主違禁勾引礦徒潛行挖者照礦徒之例以爲首論得財者計贓准竊盜從重論

欽定理藩部則例

卷三十七 偷竊上

欽定理藩部則例卷三十八

偷竊下

台吉行竊不准開復

台吉行竊議罪

台吉行竊交旗管束

未授職銜之台吉行竊議罪

台吉親屬相盜

台吉等收留驚逸馬匹不報

偷竊牲畜不計次數從重科斷

蒙古地方偷竊牲畜再犯三犯加等治罪

偷竊案件首犯在逃從犯毋庸監候

十歲以上十五歲以下犯竊者分別科罪收贖

搜贓

牲畜被竊呈報記檔

窩隱盜賊

拏獲賊犯賞給馬匹

蒙古民人原偷牲畜無存著落賠償

蒙古地方竊案十家長罰馬

侵蝕盜賊財物

蒙古人親屬相盜

蒙古偷竊俄羅斯馬匹分別擬罪

欽定理藩部則例卷二十八

偷竊下

修改

台吉行竊不准開復

一 台吉等如有犯別項罪名革退台吉者三年後果能改過扎薩克聲紋緣由具保部報分別咨題復其台吉職銜如因行竊革退台吉者均不准開復

修改

台吉行竊議罪

一 凡台吉行竊爲匪革退台吉職銜作爲平人取其牲畜給付事主其屬下家奴撤給伊近支兄弟該管扎薩克罰俸半年

修改



台吉行竊交旗管束

一 凡台吉等行竊審明如僅止革去台吉無餘罪者定案後一面報部一面將該犯即交該旗管束

修改

未授職銜之台吉行竊議罪

一 台吉未授職銜以前初次行竊者不准受職發往隣盟嚴管加束將伊所有牲畜給與事主倘不梭改復行偷竊照平人例治罪

增纂

台吉親屬相盜

一 台吉親屬相盜牲畜財物者無論贓數多寡期親胞伯叔胞兄弟胞姪罰五牲畜大

功堂兄罰一九牲

功伯叔祖兄弟堂

九牲畜總麻

祖叔

族伯叔祖族伯叔族再從姪堂姪孫曾姪孫罰二九牲畜無之本宗親屬罰四九牲畜俱存公備

賞仍追贓給主

修改

台吉等收留驚逸馬匹不報

一台吉等收留驚逸馬匹不報照竊盜例革去台吉六年無過該扎薩克等據實保舉報部由部具奏開復

增纂

偷竊牲畜不計次數從重科斷

一蒙古偷竊牲畜之案如一年內行竊二三次以上同時並發者仍照刑律以一主爲重從一利斷毋庸合計擬罪

續纂

蒙古地方偷竊牲畜再犯三犯加等給罪

一初犯偷竊牲畜一二匹者仍照本例枷號鞭責

犯三犯加等

偷竊牲畜

首者加

十日爲從同行分贓者加枷號十五日雖  
謀並未同行但於竊  
後分贓者加枷號十日三犯偷竊牲畜一二匹爲首者加枷號四十日  
爲從同行分贓者加枷號三十日雖經同謀並未同行但於竊後分贓  
者加枷號二十日以上加等俱按現犯罪名上遞加罪止枷號七十日  
若偷竊銀兩什物仍照刑例計贓加等治罪

增纂

偷竊案件首犯在逃從母犯庸監候

一凡偷竊案件現獲之犯若供首犯在逃即將現獲之犯按其所犯各本  
罪發遣各省將來拏獲逃犯審出該犯實係起意爲首由配所行提審  
明治以應得本罪

修改

十歲以上十五歲以下犯竊者分別科罪收贖搜贓

等 地方未滿十

子行竊者免罪十五

下者照刑例收贖十六歲以上者照例科罪

修改

搜贓

一凡搜贓須同見證前往不容搜者以賊論

修改

牲畜被竊呈報記檔

一凡被竊牲畜先將遺失數目月日及口齒毛色報明扎薩克處記檔若將來獲賊時牲畜數目月日毛色不符及先不曾呈報扎薩克處記檔者概不准承領

修改

窩隱盜賊

一已未管旗王貝勒貝子公台吉塔布囊等有爲盜賊窩主者各罰俸三年無俸台吉塔布囊罰六九牲畜

增纂

拏獲賊犯賞給馬匹

一哈薩克私入卡倫偷竊官兵牲畜案內賊犯就獲將贓馬一半給還事  
主一半存公於存公馬匹內以一半賞給獲賊之人

修改

蒙古民人原偷牲畜無存著落賠償

一凡原偷牲畜著追無存者蒙古著落該管台吉照數賠償民人著落該  
管官照數賠償

修改

蒙古地方竊案十家長罰馬

一蒙古地方遇有竊案將該管十家長罰馬一匹存公若由該十家長自  
行首出者免罰三年內並無竊案由存公匹馬內賞給該十家長馬一  
匹其各旗有無罰馬賞馬之處由該盟長查明年終彙冊報部

增纂

侵蝕盜賊財物

一 賊之官員兵役等將已獲盜賊之牲 侵蝕不行報官私

分入已者各罰五牲畜 私分牲畜財物照數追出係贓給付事主係

賊犯財物給付賊犯

續纂

蒙古人親屬相盜

一 凡內外扎薩克等處蒙古各居 本宗親屬相盜 牲畜財物者期親減凡人五等

大功減四等小功減三等總麻減一二等無服之親減一等 宗派不詳者不准引用此例

蒙古偷竊俄羅斯馬匹分別擬罪

一 凡蒙古偷竊俄羅斯馬匹除照與俄羅斯會定則例賠罰馬匹外仍照

蒙古例分別擬罪

欽定理藩部則例

卷三十八 偷竊下

欽定理藩部則例卷三十九

發塚

平人發掘王等墳塚

平人發掘平人墳塚



欽定理藩部則例

卷三十九  
目錄

二

欽定理藩部則例卷三十九

發塚

修改

平人發掘王等墳塚

一凡平人發掘王貝勒貝子公扎薩克台吉及福晉夫人等墳塚已行未見棺者爲首擬絞監候爲從發山東河南交驛充當若差見棺者爲首絞立決爲從絞監候開棺見屍爲斬立決爲從絞監候毀棄撇撒死屍者不從皆斬立決

修改

平人發掘平人墳塚

一凡平人發掘平人墳塚未見棺者爲首鞭一百枷號四十日爲從鞭九十枷號三十五日見棺者爲首發山東河南交驛充當苦差爲從鞭二

百枷號四十日開棺見屍者爲首發極邊煙瘴爲從發山東河南均交驛充當苦差毀棄撇撒死屍者爲首絞監候爲從發極邊煙瘴交驛充當苦差若盜未殯未埋屍棺及發年久穿陷之塚未開棺槨者爲首鞭一百枷號四十日爲從鞭九十枷號三十五日開棺見屍一次者爲首發山東河南交驛充當苦差爲從鞭一百枷號四十日二次者爲首發江南浙江江西湖廣福建等省爲從發山東河南三次者爲首發雲南貴州廣東廣西等省爲從發江南浙江江西湖廣福建等省 驛充當苦差三次以上者爲首絞監候 緩決爲從發雲南貴州廣東廣西等省交驛充當苦差

欽定理藩部則例卷四十

犯姦

王等姦平人之妻

平人姦福晉

家奴及兼轄之人姦台吉等妻妾

平人犯姦

欽定理藩部則例

卷四十 目錄

欽定理藩部則例卷四十

犯姦

修改

王等姦平人之妻

一已未管旗之王貝勒貝子公台吉塔布囊姦平人妻者罰俸三年仍罰  
三九牲畜給姦婦之夫無俸台吉塔布囊折罰六九牲畜存公仍罰  
牲畜給姦婦之夫

晉

一平人通姦姦夫凌運處死福晉斬決姦夫妻子發鄰盟爲奴

修改

家奴及兼轄之人姦台吉等妻妾

一凡台吉等之家奴姦台吉等妻妾者照刑例家奴姦家長妻妾辦理

姦家

長之妻者各斬決姦家長之妾者各絞監候

家奴當喇嘛者亦照此例辦理至兼轄之屬下阿勒巴

圖等姦台吉等之妻者姦夫姦婦俱絞監候姦台吉等之妾者姦夫姦

婦俱枷號兩個月鞭一百姦婦鞭決枷贖兼轄之屬下阿勒巴圖當喇

嘛者亦照此例辦理

修改

平人犯姦

一平人和姦姦者夫枷號一個月鞭一百姦婦枷號一個月鞭一百

姦婦鞭決枷贖

姦拐婦人者姦夫枷

月發遣山東河南交驛當差姦

枷號兩個月

姦婦鞭決枷贖

交本夫領回

欽定理藩部則例卷四十一

略賣略買

蒙古等互相誘賣

誘賣內地之人

蒙古人不准賣與內地旗人



欽定理藩部則例

卷四十一 目錄

欽定藩理部則例卷四十一

略賣略買

修改

蒙古等互相誘賣

一凡蒙古等互相哄誘將良人賣爲奴婢妻妾子孫不分者已賣未賣鞭一百罰三九牲畜被誘知情之人鞭一百被誘不知情者免坐

領回

之人

等將內地男婦子女誘拐賣爲妻妾奴婢者不分良人奴婢已賣未賣但經誘拐爲首者絞監候爲從者鞭一百罰二九牲畜被誘之人不如以知情不坐若止一人爲首論若和誘賣爲妻妾奴婢子孫被誘之人知情不分已賣未賣誘人者鞭一百罰三九牲畜被誘之人鞭一百均飭交本家領回

修改

蒙古人不准賣與內地旗人

- 一 已入檔之蒙古屬下人不准擅行售賣與內地旗人卽未入檔之莊頭亦祇准本旗互相買賣不准賣與別旗及內地之人違者將承買售賣之人罰三九牲畜存公失察之扎薩克盟長罰俸三個月協理台吉罰一九牲畜所買之人不給原價撤出交本旗充當差使

欽定理藩部則例卷四十二

首告

越訴誣告

犯罪自首

出首之人擇主歸投

出首之人酌給罰物

懷讎索取出首之人牲畜

禁止代控

匿名揭帖

欽定理藩部則例 · 卷四十二 目錄

欽定理藩部則例卷四十一

首告

修改

越訴誣告

一 蒙古等凡有爭控事件先在該扎薩克處呈控倘負屈許在該盟長處呈控如盟長等不秉公辦理許原告人將會在該扎薩克處呈控如何辦理復在該盟長處呈控如何判斷之處開明赴部呈控由部詳核案情或仍交盟長等辦理或應遣大臣辦理之處請

旨倘不在該扎薩克處呈控又不該盟長處具控徑行赴部具控不論是非台吉官員罰三九牲畜屬下家奴鞭一百係尋常事件仍交該扎薩克盟長等辦理如關人命重案由部詳訊應派大臣辦理處之具奏請

旨若已在該扎薩克盟長處控告均庸理與例相符無辦置議如扎薩克等辦

理不公將扎薩克等議處如盟長等辦理不公將盟長議處如所控  
實按事之輕重將原告之人反坐其罪

修改

犯罪自首

一凡犯罪自首者照刑例分別辦理  
修改

出首之人擇主歸投

一凡出首人罪之人及罣誤之人有應於本旗內聽其情願投歸者除管  
旗之王貝勒貝子公協理台吉塔布囊及伊等之子孫名下不准歸投  
外其不管旗之王貝勒貝子公閑散台吉塔布囊名下在其擇主歸投  
舊例

出首之人酌給罰物

一凡出首事件所罰內給首者物一半

修改

懷讎索取出首之人牲畜

一凡因出首本旗事件案結後該王公台吉等挾讎索取出首之人牲畜者已未管旗王貝勒貝子公台吉塔布囊各罰俸一年無俸之台吉塔布囊罰二九牲畜存公其挾讎所取牲畜追給本人任其擇主歸投

修改

禁止代控

一凡呈控事件祇准本人或遣抱告呈控若本人並不知情由他人代控者概不受理

修改

匿名揭帖

蒙古地方拾獲匿名揭帖即將原帖銷燬不准查辦惟關係國家重大事務者密行報部奏聞請



旨

欽定理藩部則例 卷四十二 首告

四

欽定理藩部則例卷四十三

審斷

秋審會議

熱河都統所屬秋審黃冊

蒙古例無專條引用刑例

蒙古處分例無專條咨取吏陸軍法等部則例比照引用

蒙古民人各按犯事地方治罪

相驗蒙古等命案

死罪人犯扎薩克等審訊報部

蒙古犯罪就近會審

陝甘兩省交涉蒙古案件

軍台蒙古案犯

圖什業圖王等旗命盜案件分別會審相驗  
鄂爾多斯阿拉善兩處蒙古民人交涉命案

喀爾喀部落蒙古民人交涉案件

蒙古犯軍流徒罪折枷

蒙古移屍訛詐分別實發不准折枷

承審不實

受理案件不即查辦致釀人命

欽定理藩部則例卷四十三

審斷

增纂

秋審會議

一蒙古擬定死罪人犯由各該處審明報部由部會同三法司定擬具奏其應監候秋後處決者歸法部秋審會同九卿科道擬議

增纂

熱河都統屬秋審所黃冊

一凡熱河都統承審之命盜案件辦理秋審時由該都統另繕黃冊進

呈

增纂

蒙古例無專條引用刑例

一凡辦理蒙古案件如蒙古例所未備者准照刑例辦理  
續纂

蒙古處分例無專條准咨取吏陸軍法部等則例比照引用

一內外扎薩克王公台吉塔布囊如遇各項應議處分凡蒙古例所未備者准咨取吏陸軍法三部則例比照引用體察蒙古情形定擬毋庸會辦如遇奉

旨交議案件內有事隸各該衙門者仍由各該衙門會辦

修改

蒙古民人各按犯事地方治罪

一蒙古等在內地犯事照刑依例定擬民人在蒙古地方犯事照依蒙古  
例定擬

修改

相驗蒙古等命案

一蒙古與民人有關人命事件照例由同知通判州縣自行相驗詳報部員會審若止係蒙古命案應行相驗者各處駐劄部員即於各該處就近會同同知通判州縣帶領件作驗明屍身會同該扎薩克審明報部由部照例具奏完結

修改

死罪人犯扎薩克等審訊報部

一凡應擬斬絞之蒙古人犯由各扎薩克處審訊聲敘罪情呈報盟長由盟長核轉報部會同三法司定擬具奏請

修改

蒙古罪犯就近會審

一歸化城各同知通判承辦蒙古與蒙古交涉命盜等案由該同知通判處驗訊通詳呈請綏遠城將軍就近與土默特之參領等官會審起限

由將軍處咨部具奏完結蒙古與民人交涉命盜等案亦呈請該將軍就近與土默特參領等官會審起限由山西巡撫咨會具奏完結於各扎薩克等旗分行取會審官員之處永行停止結案後將審擬之處由歸綏道衙門行知該扎薩克

山西省大同府屬豐鎮廳所轄民人處所與察哈爾正黃正紅旗連界朔平府屬寧遠廳所轄民人處所與察哈爾鑲紅鑲藍旗連界此四旗蒙古等又與蘇近特四子結落等各扎薩克旗分連界除四旗地方蒙古與蒙古交涉命盜案件由察哈爾旗分承辦報部完結外其四旗地方蒙古與民人交涉命盜等案並兩廳所轄境內蒙古與民人交涉命盜案等內毋論察哈爾旗下蒙古各扎薩克等所屬蒙古俱按失事地方令該廳會同察哈爾四旗官員審定亦停其於該扎薩克旗分行取會審官員於案結後將審擬之處由該廳行知該扎薩克至察哈爾各旗蒙古等如在歸化城各同知通判所屬地方與土默特蒙古并民人

交涉命盜案件毋庸由察哈爾旗派員會審令就近會同歸化城土款  
特官員審定

一 直隸省張家口獨石口多倫諾爾三廳同知與察哈爾旗分交涉案件  
會同察哈爾各旗游牧理事司員定限泉訊完結平審建昌亦峯朝陽  
四州縣與扎薩克交涉案件均交四處駐劄司員就近會處毋庸由扎  
薩克旗分派員會審多倫諾爾同知與喀爾喀部落交涉案件交察哈  
爾鑲白正藍兩旗游牧理事司員就近會審亦毋庸由該扎薩克派員  
會審仍交各廳員如有蒙古命盜案件將案內蒙古人犯姓名分佐旗  
領何人屬下之處開明行令該扎薩克等拿解會案結審後將審擬之  
處由該司員處行知各扎薩克等具審擬具詳時令該廳員於詳文內  
將會同該司審過員字樣敘明以合體制入溝塔子溝與扎薩克交涉  
案件多倫諾爾與喀爾喀部落交涉案件與司員會審自會審日起限  
若過期不會審以致遲延會審不依限審結者俱交該督將遲延逾限



之處隨案附參將逾期不會審之員照推諉例議處會審不依限審結之員照承審遲延例議處

增纂

陝甘兩省交涉蒙古案件

一陝西甘肅兩省交涉蒙古案件在延榆綏道所屬境內者會同神木部員辦理在寧夏道所屬境內者會同寧夏部員辦理在山西保德州河曲縣等處地方者仍呈報神木部員會同雁平道員辦理鄂爾多斯蒙古民人案件均照例會同兩處部員辦理

增纂

軍台蒙古案犯

一阿勒台軍站地方命盜重案如係蒙古民人交涉案件仍交該地方官辦理若止係蒙古照察哈爾旗辦理之例審明咨報總理阿勒台軍站察爾哈都統覆核咨部完結

增纂

圖什業圖王等旗命盜案件分別會審相驗

一科爾沁圖什業圖王等旗之命盜案件係蒙古民人交涉者均由昌圖通判同會扎薩克驗明屍審傷訊明確自行呈報奉天府尹衙門覆核轉報

盛京總督衙門由

盛京總督衙門咨報法部及理藩部辦理若僅止蒙古命盜案件該扎薩克會同該通判驗明屍傷該扎薩克自行審擬確明呈報盟長覆核報部增纂

鄂爾多斯阿拉善兩處蒙古民人交涉命盜

一鄂爾多斯阿拉善兩處蒙古民人交涉命盜就近地方官會同蒙古官員相驗後由寧夏紳木安邊三處同知就近者會同蒙古官員審定明擬咨報該處部員及該處道員覆審完結

增纂

喀爾喀部落蒙古民人交涉案件

一圖什業圖汗車臣汗二部落蒙古民人交涉人命盜案由庫倫辦事大臣辦理蒙古與蒙古盜案由盟長處辦理其蒙古與蒙古尋常人命案件該盟長審明擬罪報明庫倫辦事大臣詳審案情無異轉爲報部倘案情不確錄供擬罪與例不符者該大臣飭駁另審如緊要命案該盟長實不能審辦者該大臣親提案內人犯審擬應報部者報部應奏者具奏具扎薩克圖汗三音諾彥二部落案件由定邊左副將軍亦照庫倫辦事大臣一體辦理

增纂

蒙古犯軍流徙罪折枷

一凡蒙古人犯罪照刑例擬以笞杖者各照數鞭責擬以軍流徙者免其發遣分別枷號徒一年枷號二十日每等遞加五日總徒准徒亦遞加

五日流二千里者枷號五十日每等亦遞加五日附近充軍者七號枷  
十日近邊者七十五日邊遠沿海邊外者八十日極邊烟瘴者九十日  
續纂

蒙古移屍訛詐分別實發不准折枷

一凡蒙古地方遇有刁徒假捏人命冒認屍親移屍訛詐者照刑例問擬  
犯該徒罪者發出東河南犯該軍流者發湖廣福建等省均交驛充當  
苦差不准折枷

續纂

承審不實

一內外扎薩克王公台吉塔布囊及協理台吉等承審反叛人犯未經審  
出實情者承審官革職凌遲人犯未經審出實情者承審官罰俸二年  
斬絞人犯未經審出實情者承審官罰俸二年軍流人犯未經審出實  
情者承審官罰俸一年徒杖人犯未經審出實情者承審官罰俸半年

無俸協理台吉等官照例折罰牲畜但有受賄故出故入情弊照刑例治罪

續纂

受理案件不卽查辦致釀人命

一凡內外各盟長扎薩克於應行審理事件不卽收審者罰俸一年若因不卽查究以致釀人命者罰俸三年無俸人員照例罰九

欽定理藩部則例卷四十四

罪罰

蒙古扎薩克閒散汗王貝勒貝子公台吉塔布囊等及無俸之協理台吉

以下各官處分專條

綏遠城土默特世職兼參佐領私罪降級分別折罰俸銀牲畜

因公處分罰扎薩克俸

蒙古王公等遲誤

御前

扎薩克應罰俸銀不准分年坐扣

罰俸免罰緞疋

罰俸年終彙奏

台吉行劫該扎薩克分別罰俸

台吉塔布囊屬下人等行竊該台吉塔布囊家長佐領分別罰九

贓犯之該管台吉等罰九數目

罰九定額

罰九定限

罪罰牲畜存公備賞

罰九牲畜賞給獲賊之人

食俸王公台吉等應罰牲畜專條

台吉等親屬相盜應罰九數無力完交定擬罪名

失察盜挖金銀礦砂處分

喀爾喀四部落貽誤往班處分

扎薩克王公等有誤要差罰俸

青海蒙古王公等貽誤祭海罰俸

科布多屯田收穫分數不足蒙古官兵分別罰九責懲

喀爾喀四部落應出差使不准擅請更張

禁止餽送差員財物

禁止演戲

蒙古來京互控照越訴例加重定擬

扎薩克被控不候訊辦藉詞行文該地方官議罰

欽定理藩部則例卷四十四

罪罰

修改

蒙古扎薩克閒散汗王貝勒貝子公台吉塔布囊等及無俸之協理台吉以下各官處分專條

一蒙古內外扎薩克汗王貝勒子公台吉塔布囊有犯奉

旨交議處分除蒙古例有專條仍照定例辦理外如犯律不應爲而爲之事事理輕者照內地不應輕律答四十公罰俸六箇月上蒙古官員酌減三箇月罰扎薩克俸三月私罪罰俸九箇月上蒙古官員酌減三月扎薩克俸六個月事理重者照內地不應重律杖八十公罪降二級留任上蒙古官員無級可降應折罰扎薩克俸四年酌減一年罰扎薩克俸三年私罪降三級調用上蒙古官員無級可降應折罰扎薩克俸六年酌



減一年罰扎薩克俸五年公罪加級紀錄准其抵銷私罪雖有加級紀錄不准抵鎖如犯奉

旨交部嚴加議處處分律應杖一百公罪照內地杖一百革職上蒙古官員革職留任視其原定開復年分始終無過方准開復私罪徑行革任其不兼職任者罰世職俸六年不得議革爵職其無俸之協理台吉以下各官應罰二箇月俸者折罰五牲畜應罰六箇月俸者折罰一九牲畜應罰一年俸者折罰二九牲畜餘按俸數目以次遞加律應革職任者革去頂戴視其原定開復年分始終無過方准開復律應革職者擬以革職至不兼扎薩克之閒散汗王貝勒貝子公世職官員等如犯前項公私各罪律應罰俸者均照無俸之協理台吉以下各官一律照例罰九律應革職留任者折罰世職俸三年律應革職者折罰世職俸六年倘遇案情較重奉

旨交部嚴議者臨時另行加重酌擬請

修改

綏遠城在土默特世職兼參佐領私罪降級分別折罰俸銀牲畜

一綏遠城所屬土默特世職官員兼管參佐領官若因私罪降級調用者  
照陸軍部載兼例任職罰職俸世例辦理其無俸土默特官員應罰俸  
銀之處照例折罰牲畜

續纂

因公處分罰扎薩克俸

一內外扎薩克王公因公處分凡條例內稱罰俸者均罰扎薩克俸閒散  
王公台協理吉等均按罰俸數目一律折罰牲畜其案情較重議以罰  
世職者隨俸案聲明罰世職俸字樣

增纂

蒙古王公等遲誤

御前差使處分

一凡古蒙汗親王郡王貝勒貝子公扎薩克等遲誤

御前差使以及

賞食

祭內遲誤不到者均罰扎薩克俸六個月准其抵銷

續纂

扎薩克應罰俸銀不准分年坐扣

一凡內外扎薩克汗王貝勒貝子公等緣案應罰扎薩克俸銀者均由本年應領俸銀內全行坐扣完結不得分年坐扣

續纂

俸罰免罰緘正

一凡內外扎薩克汗王公等緣案應者罰俸無論所罰係扎薩克俸係世職俸均止罰銀兩免罰緘正其罪至革職折罰世職俸者連俸緘一併

議罰

續纂

罰俸年終彙奏

一內外扎薩克汗王貝勒貝子公扎薩克台吉塔布囊凡失察台吉行竊  
緝緝逃犯四參限滿不獲及一切因公例准抵銷處分逐案註冊於年  
終查照該員等有無級加紀錄分別開敘案由加單彙奏

增纂

台吉行劫該扎薩克分別罰俸

各旗所屬台吉行劫罪至斬立

二年罪

至斬絞監候及

修改

欽定理藩部則例

卷四十四 雜例

五

台吉塔布囊屬下人等行竊該台吉塔市囊家長佐領分別罰九

一凡台吉塔布囊及平人名下並未入冊檔之莊頭以及長奴有犯行竊案件將該管台吉塔布囊家長照例分別罰九其已入冊檔之披甲人等有犯行竊案件將該管佐領分別罰九其所罰牲畜如賞在無力完交照罰九定限例辦理

增纂

賊犯之該管台吉等

一內外扎薩克各旗

河南湖廣福建

罰一九牲畜

管台吉

罰二九

三九牲畜俱存

修改

罰九定額

一罰罪九教馬二匹犍牛

牛二隻三歲牛二隻兩歲牛一隻七

數馬一匹 犍牛一隻 乳牛一隻 三歲牛二隻 兩歲牛二隻 五數犍牛一  
隻 乳牛一隻 三歲牛一隻 兩三歲牛二隻 數乳牛一隻 三歲牛一隻 兩  
歲牛一隻

修改

罰九定限

一 凡犯案應罰牲畜均於案結奉交之日每九限三十日完交各予五日  
餘限屆限不交者台吉官員不計牲畜數目但短交即革去頂戴展限  
勒交展至三

革去台吉官員徑行革

完交者革去台吉三年無過開

二數者鞭二十五

六數者鞭七十五七數

數以

力加枷號一箇月免其

號一箇月

修改

罪罰牲畜存公備賞

一凡罪罰牲畜交該盟長扎薩克等照數追取存公備賞給旗內實心效力之人仍將賞過牲畜數目年終報部查核

增纂

罰九牲畜賞給獲賊之人

一凡失察屬下人行竊之該管台吉官員等所罰牲畜均賞給獲賊之人若係事主拿獲所罰牲畜存公備賞如該管台吉官員自行拿獲者免罰

修改

食俸土台吉公等應

一凡食俸之蒙古王

無論犯公私

折罰俸外但犯

事主之案仍

視其應罰

給付事主

續纂

台吉等親屬相盜應討九數無力完交定擬罪名

一凡台吉親屬相盜犯罪罰九無力完交者革去六年無過該扎薩克等據實保舉報部由部具奏開復

續纂

失察盜挖金銀礦砂處分

一蒙古地方凡產金銀礦砂處所名該扎薩克派員查緝如有偷挖者無論人數多寡立即嚴拏蒙古解送理事司員衙門民人解交州縣衙門究辦該承緝官免議如民人偷挖該蒙古無一

情形該承緝官失於查

察之扎薩克

罰俸

該承緝官失於查緝

察之

扎薩克罰俸六個月如蒙古招

同偷挖事發該承

緝官失

一百失察之扎薩克罰俸一

員接緝

倘該承緝官於查緝各案審有知情故縱等弊革職鞭一百加枷號一



簡月該扎薩克罰俸二年

續纂

喀爾喀四部落貽誤住班處分

一科布多往班烏里雅蘇台牧放牲畜住班之喀爾喀四部落公扎薩克  
每空班一次罰扎薩克俸三年若至二次空班者罰世職俸三年

續纂

扎薩克王公等有誤要差罰俸

一內外扎薩克蒙古汗王

旨派出寺廟拈香差使如臨

奏參交部察議

扎薩克俸六個月無俸人員

係屬私罰不准抵鎖

續纂

青海蒙古王公等貽誤祭海罰俸

一 青海年例祭海該處蒙古王公等例應齊集陪祀無故不到者由該大臣參奏罰扎薩克俸二年

續纂

一 科布多屯田收穫分數不足蒙古官兵分別罰九責懲

科布多屯田收穫分數不足在五分以上者該管官兵免議不及五分者將該管蒙古官員交部議處各罰一九牲畜存公兵丁由該大臣責懲

續纂

喀爾喀四部落應出差使不准擅請更張

一 喀爾喀四部落一切應

議更張違者照不

因災歉力有不支

將軍大

臣聽候查實

續纂

禁止餽送差員財物

一內外扎薩克各旗遇有應行查勘審訊事件經該處將軍都統大臣差官到境該扎薩克除供應烏拉外不得濫行餽送財物如違事發係管旗之汗王貝勒貝子公扎薩克台吉塔布囊均照不應重私罪降三級調用蒙古官員無級可降照例折罰扎薩克俸其不管旗之汗王等及無俸協理台吉以下并章京等官均照例折罰牲畜但有以財行賄情形照刑例計贓科斷

續纂

禁止演戲

一凡內外扎薩克汗王貝勒

囊等不得習尚奢糜

王公罰俸二年雖

不管旗

王公及協

牲畜其失察之盟長

在家教令幼丁演習戲文

本例加等治

罪係不管

年台吉塔布囊革職三年無過方准開

復蒙古官員徑行革職平人鞭一百失察之盟長扎薩克罰俸一年

續纂

蒙古來京互控照越訴例加重定擬

一凡蒙古互控事件如未在該扎薩克及盟長等處呈告徑行來京具控者照越訴例加重台吉官員於罰三九牲畜本例上加罰一九牲畜屬下家奴於鞭一百本例上加枷號兩個月

增纂

扎薩克被控不候訊辦藉詞行文該地方官議罰

議罰

一凡扎薩克被人控

交審之將軍大臣

寄行公文於該地方將

鑄定聖憲部則例 卷內十四 辨類

條五年不准抵銷

欽定理藩部則例卷四十五

入誓

案情可疑入誓

失去牲畜訪有蹤跡入誓

罪罰牲畜無力完交入誓

王等免其本身入誓

出首之人毋庸入誓

入誓後別經發覺加等治罪

欽定理藩部則例

卷四十五 目錄

欽定理藩部則例卷四十五

入誓

修改

案情可疑入誓

一凡案犯斬絞發遣以及應罰牲畜等罪如臨時未經破案事後或經官訪出或被入告發到案案情確鑿而本犯恃無贓證蹤跡堅不承認事涉疑似者今其入誓如肯入誓仍令該管佐領等加具保結令本犯入誓完結不肯入誓即照訪出告發案情科罪

此條必實無贓證蹤跡無憑研訊方准照此辦理其餘不得濫引

修改

失去牲畜訪有蹤跡入誓

一凡失去牲畜如訪有蹤跡在何人游牧處所相距一箭之地以內者即令何人入誓其人雖遷避他處游牧仍令入誓誓即免議另行查拏原竊正犯不肯入誓訊明事主原失牲畜數目令其照數賠償

修改



罪罰牲畜無力完交入誓

一凡台吉應罰牲畜稱無力完交者由該管旗章京入誓完結其蒙古官員以下仍照例折鞭發落

修改

主等免其本身入誓

一應入誓之人係已未管旗王貝勒貝子公額駙及扎薩克台吉塔布囊等免其本身入誓由該管旗章京入誓台吉塔布囊官員等仍令本身入誓

修改

出首之人毋庸入誓

一凡首告人罪不令出首之人入誓令被告人入誓

修改

入誓後別經發覺加等治罪

一凡人犯入誓完結後別經發覺到案時按入誓完結本案罪名加等治罪以應得之罪其原保入誓之該管佐領等官各減本犯一等治罪

欽定理藩部則例卷四十六

疎脫

疎脫解送及收管人犯

故縱疎脫賊犯

截留奉提人犯

蒙古地方搶奪人犯

隱匿內地逃人

隱匿蒙古逃人

隱匿發遣爲奴人犯

卡倫官兵疎縱逃人

故縱逃往外國之人

台吉脫逃該扎薩克罰俸

欽定理藩部則例

卷四十六 目錄

看守瘋人

簽差不慎

欽定理藩部則例四十六

疎脫

修修

疎脫解送及收管人犯

一凡疎脫解送及收管死罪人犯該管章京罰三九牲畜驍騎校罰二九牲畜存公俱革職小領催鞭一百披甲人鞭八十俱革退疎脫後旋經該管章京等自行拏獲免其革職革退另人拏獲即將存公牲畜充賞疎脫解送收管不至死罪人犯該管章京罰二九牲畜驍騎校罰一九牲畜小領催鞭八十披甲人鞭五十疎脫後旋經該章京等自行拏獲賞還一次牲畜驍騎校賞五牲畜小領催賞三牲畜披甲人賞二牲畜疎脫後但訊有賄縱故縱情弊均照刑例辦理

修改

故縱疎脫賊犯

一凡已木管旗王貝勒貝子公台吉塔布囊等故縱賊人不行擒獲令其脫逃者照窩隱盜賊例治罪其賊已發覺不卽查拏以致脫逃者照窩隱盜賊例減一等治罪

續纂

截留奉提人犯

一內外扎薩克王貝勒貝子公扎薩克台吉塔布囊各旗遇有命盜案件經各將軍都統關提人犯如現有該扎薩克王公等捏詞支飾不將人犯交出及提人解犯路經該王公地方擅行截留者去革扎薩克仍罰世職俸三年不准抵鎖其不兼扎薩克之王公徑行請

旨革職

修改

蒙古地方搶奪人犯

一凡在蒙古地方搶奪擬定罪名人犯均照刑例刼囚例治罪  
修改

隱匿內地逃人

一凡口外游民并滿州家奴逃至蒙古地方各扎薩克立即緝拏解交地方官照例治罪如有知情容留隱匿不報經他人出首拏獲者係台吉官員革職罰三九牲畜平人鞭一百罰三九牲畜俱給出首拏獲之人不知情者免其革職鞭責仍照罰牲畜失查之該扎薩克罰俸一年管旗章京副章京參領等各罰二九牲畜佐領驍騎校俱革職罰二九牲畜存領公催丁家長等鞭一百出首之人若係家奴作爲另戶

修改

隱匿蒙古逃人

一內外扎薩克旗下蒙古及家奴無故逃走由該管扎薩克立即派員查拏查拏到案鞭一百經他人拏獲由存公項下賞給一牲畜隱匿者均

罰一九牲畜

修改

隱匿發遣爲奴人犯

一凡發遣爲奴犯人逃至蒙古地方各扎薩克立即緝拏交地方官照例治罪如有知情容留櫛匿經他人出首拏獲者係台吉官員革職鞭一百罰三九牲畜平人鞭一百加櫛號一個月罰三九牲畜俱給出首拏獲之人不知情者免其鞭責隱號仍革職照罰牲畜失察之該扎薩克罰俸二年管旗章京副章京參領等俱革職罰二九牲畜佐領驍騎校俱革職鞭一百罰十二九牲畜領催家長等鞭一百加櫛號一個月出首之人若係家奴作爲另戶

修改

卡論官兵疎縱逃人

一卡倫官兵疎逃縱人追趕不及而回者佐領革職罰三九牲畜驍騎校

革職罰二九牲畜小領催革退罰五牲畜一鞭百披甲人等各鞭一百  
修改

故縱逃往外國之人

一己未管旗王貝勒貝子公台吉塔布囊之等若知人逃往外國給與馬  
騎遣住者革退封爵職銜撤其屬下之人官員抄沒家產平人斬仍抄  
沒家產

修改

台吉脫逃該扎薩克罰俸

一內扎薩克盟六喀爾喀四部落台吉等逃走即革去台吉職銜開明年  
彙逃走日期報部通行緝捕緝後曾否行竊爲匪逃獲時另行審辦其  
失查之扎薩克罰俸六個月緝獲後訊明如無別項情弊者交該扎薩  
克嚴行管束

修改



### 看守瘋人

一凡患瘋病之人該管台吉等官報明該扎薩克記檔交伊祖父伯叔兄弟子姪至近親戚看守無親屬者交鄰舍鄉長瘋守倘看守不嚴以致殺人或自殺者將看守之人鞭八十被殺者在記人名下追埋葬銀士二兩給付尸親瘋人鎖錮監禁

### 續纂

### 簽差不慎

一內外扎薩克各旗加解審死罪人犯中途脫逃簽差不慎之該扎薩克罰俸一年解審不致死罪人犯中途脫逃簽差不慎之該扎薩克罰俸六個月俱准其抵銷如審有賄縱鬆刑故縱情弊無論脫逃人犯係何罪名簽差不慎該扎薩克加一等科斷其地方官有應添差護解者一體添差護解如簽差不慎由吏部議處

欽定理藩部則例卷四十七

捕亡

在配脫逃

闖旗逃走不分何旗追趕

繫撤袋人結衆逃走分別追趕

出卡哨投往外國之逃人

拏獲盜犯捕盜兵丁分別獎勵

爲奴之額魯持回子逃走

欽定理藩部則例

卷四十七 目錄

欽定理藩部則例卷四十七

捕亡

修改

在配脫逃

一蒙古犯罪發遣山東河南者復行脫逃初次枷號一個月調發福建湖廣等省二次枷號兩個月調發雲南貴州廣東廣西烟瘴等處至三次枷號三個月仍發回原調發處原發福湖建廣者按照脫逃次數止調發烟瘴地方蒙古等免死減等發遣自配所脫逃拏獲時審無爲匪等事亦一體加等調發仍分別脫逃次數初次枷號兩個月二次枷號三個月刺字

修改

闖旗逃走不分何旗追趕

一闖旗逃走無論旗分均照軍制起程追趕若扎薩克王貝勒貝子公台吉等不追者各罰俸一年

修改

繫撤袋人結衆逃走分別追趕

一繫撤袋人二十名以內逃走只令本旗追趕若繫撤袋人二十名以外逃走附近何旗該旗扎薩克王貝勒貝子公台吉塔布囊等酌量逃人妥備馬匹盤費偵往何方迅速尋縱追獲不追者各罰俸六個月並即將逃亡緣由報部不報者各罰俸三個月

修改

出卡哨投往外國之逃人

一凡出卡哨逃往外國之人執械拒捕者不分首從皆立斬若不拒捕即被擒獲爲首者立斬其餘者立緩若傷人逃逸拏獲解到者俱立斬未傷人逃逸拏獲解到者照不拒捕被獲之逃人擬罪若逃而未傷人自

回者鞭一百給伊本主

增纂

拏獲盜犯捕盜兵丁分別獎勵

一察哈爾八旗游牧及各牧場馬羣內差出捕盜兵丁若拏盜獲犯卽將盜犯所騎之馬給與原拏之人拏獲三次之後係護軍於護軍校驍騎校內列名係馬甲挑取護軍係閒散挑取馬甲係牧場馬羣人等亦俟有應陞之缺錄用若行竊之人係承緝兵丁之親屬而贖徇不拏照隱匿盜賊例治罪

修改

爲奴之額魯特回子逃走

一官兵等自軍營帶來爲奴之額魯特回子逃走有關涉重情者仍令聲明緣由具奏恭候

欽定遵照辦理如非關緊要并無別情之逃犯無論拏獲及自行投回係初次

枷號一個月鞭一百交原主嚴加管束二次逃走蘇福州府靈州府給  
與駐防官兵爲奴其在京居住之額魯特回子王公等自原籍帶來之  
額魯特回子家奴如有逃走者仍照八旗逃奴例計其逃走次數年月  
分別辦理

欽定理藩部則例卷四十八

監禁

徒罪以上人犯解送該地方官暫令監禁  
察哈爾蒙古民人交涉案件分別附近地方收禁  
科爾沁等旗蒙古人犯歸附近州縣寄監



欽定理藩部則例

卷四十八 目錄

欽定理藩部則例卷四十八

監禁

修改

徒罪以上人犯解送地方官暫令監禁

一各扎薩克等處有應擬徒罪以上人犯一面報部一面即派官兵解赴就近應禁地方官暫令監禁

增纂

察哈爾蒙古民人交涉案件分別附近地方收禁

一察哈爾八旗游牧左翼四旗蒙古與民人交涉之案在鑲黃旗地方犯事附近張家口者即歸張家口同知收禁在正白旗地方犯事附近獨石口者即歸獨石口同知收禁在鑲白正藍二旗地方犯事附近多倫諾爾者歸多倫諾爾同知收禁右翼四旗蒙古與民人交涉之案在正黃旗地方犯事附近張家口豐鎮者即歸張家口同知豐鎮同知收禁在正紅旗地方犯事附近豐鎮者即歸豐鎮同知收禁在鑲紅旗鑲藍

旗地方犯事附近寧遠者即歸寧遠通判收禁

續纂

科爾沁等旗蒙古人犯歸附近州縣寄監

一哲哩木所屬之科爾沁十旗應行寄監蒙古人犯均歸昌圖廳寄監昭烏達所屬之扎魯特二旗歸赤峯縣寄監伊克昭所屬之鄂爾多斯七旗及烏拉特東四中二旗附近靖邊定邊榆林懷遠神木薩拉齊清水河托托克城河曲偏關等處各歸就近之該廳州縣寄監其歸化城之士默特四子部落達爾汗貝勒茂明安車臣汗等旗均歸歸化城同知寄監其餘各盟旗各於附近地方之廳州縣寄監其寄監各案於定案後各將人犯解往何處寄監之處於隨案報部文尾聲明仍由寄監處將收到何處寄監人犯之處一併報部俟奉到部覆發遣人犯視距京遠近查照向例應解發者轉部解部轉發應徑行起解者徑行起解斬絞監候人犯秋審時均由各寄監處造冊徑送法部立決重犯應正法者在寄監處正法應梟示者在犯事地方懸杆梟示均由承辦處行知遵辦辦結後報部備查

欽定理藩部則例卷四十九

遞解

就近發遣

內扎薩克西三盟各旗就近起解

遣犯家口

遣犯病故妻子准其回籍

欽定理藩部則例

卷四十九 目錄

欽定理藩部則例卷四十九

遞解

修改

就近發遣

一發遣人犯內遣發之省分其路途由京經過者解部發遣其路途迂迴來京必須枉道者毋庸解部由部議奏後交該處由彼就近遵照部定配所遞解發遣

增纂

內扎薩克西三盟各旗遣犯就近起解

一內扎薩克烏蘭察布伊克昭二盟各旗遣犯俱就近在山西省歸化城同知衙門監禁接准部文起解仍將起解日期申詳該撫轉無報部其錫林郭勒盟各旗遣犯就近在直隸多倫諾爾同知衙門監禁俟部文

到日即由該廳起解並將起解日期申詳該督轉爲報部

增纂

遣犯家口

一蒙古發遣罪犯家口例不至一併發遣有情愿隨往者聽其自便毋庸  
官爲解往其簽妻子發遣人犯之妻子隨同該犯發遣各省交驛充當  
苦差並本犯已經正法其妻子緣坐例應發遣者發福建湖廣等省給  
駐防兵丁爲奴

增纂

遣犯病故妻子准其回籍

一蒙古簽妻子發遣人犯在配病故其妻子情愿攜帶骨殖回歸原籍者  
准其回籍

欽定理藩部則例卷五十

留養

蒙古犯罪分別准否留養

台吉犯罪分別留養

喇嘛犯罪分別留養

蒙古家奴犯罪留養



欽定理藩部則例

卷五十一 目錄

二

欽定理藩部則例卷五十

留養

增纂

蒙古犯罪分別准否留養

一凡內外扎薩克等處蒙古地方偷竊四項牲畜應擬死罪及發遣人犯有聲明親老丁單其祖父母實係年逾六十取具該族長及該管官印甘各結俱准留養將該犯枷號四十日鞭一百如再犯竊不准留養  
修改

台吉犯罪分別留養

一凡台吉強劫罪至斬決者雖親老丁單不准留養若罪至斬絞監候以及發往鄰盟者由該管扎薩克查明實係親老丁單具結報部准其留養一次再犯不准留養

增纂

喇嘛犯罪分別留養

一蒙古地方喇嘛等有犯偷竊等罪聲明親老丁單援請留養之案查明該犯親老屬實平日在該旗當差仍與老親同居藉以養贍者方准照例留如養從師居住廟宇不養老親者概不准留養

續纂

蒙古家奴犯罪留養

一蒙古家奴犯罪查明實係親老丁單均准一體照例留養

欽定理藩部則例卷五十一

收贖

死罪人犯收贖

謀殺故殺不准收贖

發往鄰盟准其收贖

欽定理藩部則例

卷五十一 目錄

欽定理藩部則例卷五十一

收贖

修改

死罪人犯收贖

一凡收贖蒙古死罪人犯令出九九馬匹入官再令出三九牲畜給付屍親如無屍親將三九牲畜存公備賞

增纂

謀殺故殺不准收贖

一內外扎薩克等蒙古地方凡故殺謀殺情重者概不准收桌外其尋常鬪毆致死情輕者仍照舊例准其收贖

續纂

發往鄰盟准其收贖

一內外扎薩克各旗屬下人等緣事發往鄰盟者如係親老丁單及因患病未能起解查照所犯之罪尙非贓私及軍營罪重情准由該家屬呈請收贖

欽定理藩部則例卷五十二

遇赦

減等

蒙古在邊外偷竊牲畜遇

恩詔不准減等

強劫未傷人之案內有竊劫牲畜恭逢

恩詔分別准免不准免

台吉犯罪減等發往鄰盟

蒙古偷竊牲畜擬遣在配二十年限滿釋回



欽定理藩部則例

卷五十二 目錄

欽定理藩部則例卷五十二

遇赦

修改

減等

一凡歐人至死遇

赦減等并緩決減等者俱罰二九牲畜給與死者親屬免其發遣其無力交納者發遣山東河南等省交驛充當苦差

增纂

蒙古在邊外偷竊牲畜遇

恩詔不准減等

一蒙古等偷竊牲畜之案事犯在蒙古各扎薩克所屬地方者雖遇恩詔不准援減其事犯在內地者准其援減

續纂

強劫未傷人之案內有竊劫牲畜恭逢

恩詔分別准免不准免

一蒙古各扎薩克所屬地方強劫未傷人之案如犯事在

恩詔以前內有竊劫牲畜未及十四者免其強劫什物之絞罪仍照偷竊牲畜例按其匹數分別擬以發遣鞭責其竊劫在十四以上者不准減

修改

台吉犯罪減等發往鄰盟

一凡台吉強劫案內問擬斬絞監候秋審緩決各犯將來減等時均發往隣盟嚴加管束

續纂

蒙古偷竊牲畜擬遣在配二十年限滿釋回

一凡蒙古偷竊牲畜擬遣在配安分守法已逾二十年或未及年限犯年逾七十及因病成廢者如遇

恩詔各該督撫切實詳查彙冊報明法部理藩部詳核咨復准令釋回其在配復行犯竊及脫逃被獲調發者俱不准查辦其不願釋回者聽

欽定理藩部則例卷五十三

違禁

不准先後賀年

不准違禁服飾

喪葬違禁

事出兩造不得私議完結

失察偷捕偷挖貂鼠人參

蒙古不准購買黑龍江瓜爾察索倫地方貂皮越入他人地界

蒙古汗王等不准擅移游牧

喀爾喀四部落已授職台吉及正項佐領下人等不准資助呼圖克圖喇

嘛商上爲徒

禁止餽送阿勒巴圖

禁止延請內地書吏

禁止蒙古行用漢文

蒙古人等不得用漢字命名

煤窑燒鍋不得擅請增開

欽定理藩部則例卷五十三

違禁

修改

不准先後賀年

一凡內外扎薩克不准先後賀年違者王貝勒貝子公台吉塔布囊罰俸半年不管旗之王貝勒貝子公台吉塔布囊及蒙古官員均罰一九牲畜平人鞭八十

修改

不准違禁服飾

一凡內外扎薩克不准服用長出煖帽之纓遮耳帽剪沼氈帽自腋下結束之偏練垂等樣服飾違者王貝勒貝子公台吉塔布囊均罰俸三個月其不管旗之王貝勒貝子公台吉塔布囊及蒙古官員均罰五牲畜

平人鞭五十

修改

喪葬違禁

一凡內外扎薩克有修築墳墓者准其修築欲從蒙古風俗葬埋者各聽其便人死毋許殺馬毋許插嘛呢捍子毋許渡口山領掛旛哈達違者王貝勒貝子公台吉塔布囊罰俸三個月其不管旗之王貝勒貝子公台吉塔布囊及蒙古官員均罰五牲畜平人鞭五十

修改

事出兩造不得私議完結

一凡事出兩造不准私議完結係扎薩克王貝勒貝子公台吉塔布囊各罰俸一年其不管旗之上貝勒貝子公台吉塔布囊及蒙古官員均罰

二九牲畜平人鞭八十仍由官員審理

修改

失察偷捕偷挖貂鼠人參

一私往禁地偷捕偷挖貂鼠人參并私相買賣事發被獲除將偷捕偷挖之物入官人犯照刑例治罪外其失察之王貝勒貝子公台吉塔布囊均罰俸一年其不管旗之王貝勒貝子公台吉塔布囊及蒙古官員均罰二九牲畜但訊有知情遣往情弊加等治罪

修改

蒙古不准購買黑龍江瓜爾察索倫地方貂皮

一凡內外扎薩克王貝勒貝子公塔布囊官員平人不准購買黑龍江瓜爾察索倫地方貂皮如違禁購買或攔截給價者王貝勒貝子公台吉塔布囊均罰俸一年不管旗之王貝勒貝子公台吉塔布囊及蒙古官員罰二九牲畜平人鞭一百仍將價本及所購之物追出入官其遣往購買之人鞭八十

修改



越入他人地界

一凡內外扎薩克王貝勒貝子公台吉塔布囊越入他人地界者罰俸半年其不管旗之王貝勒貝子公台吉塔布囊及蒙古官員平人均罰二九牲畜仍責令移回本界但有侵占情形加一等科罪

續纂

蒙古汗王等不准擅移游牧

一凡蒙古汗王貝勒貝子公台吉等不准擅移游牧侵占內地如有違例擅移內地者由該管大臣立即調回仍罰扎薩克俸一年倘不祇遵調回游牧卽行參奏加等治罪

續纂

喀爾喀四部落已授職台吉及正項佐領下人等不准資助呼圖克圖喇嘛商上爲徒

一凡喀爾喀四部落蒙古汗王貝勒貝子公扎薩克台吉等屬下已授職

台吉及正項佐領下人等不准資助呼圖克圖喇嘛商上爲徒違者本人勒令還俗該扎薩克等照違

制律議處其屬下未及歲台吉台吉喇嘛隨丁幼丁喇嘛未及歲逾歲閒散以及姦生子無依婦女人等有願爲呼圖克圖喇嘛之徒者聽其自便仍由各該扎薩克報部核准照例給予度牒

### 續纂

禁止餽送阿勒巴圖

一內外扎薩克汗王貝勒貝子公台吉塔布囊等不准將屬下之阿勒巴圖彼此餽送違者係管旗王公罰俸二年不管旗王公折罰四九牲畜台吉斥革三年無過方准開復均授受同科所餽送之阿勒巴圖仍飭歸本主

### 續纂

禁止延請內地書吏

一內外扎薩克汗王貝勒貝子公台吉塔布囊等不准延請內地書吏教讀或使充書吏違者王公台吉照不應重私罪議處該書吏交地方官遞籍嚴行收管但訊有串通教唆等情加等治罪

增纂

禁止蒙古行用漢文

一內外扎薩克汗王貝勒貝子公台吉塔布囊以及蒙古官員閒散人等遇有公文稟牘呈詞等件不得擅用漢文違者照違制例科罪其代書之人交地方官遞解回籍嚴加管束若事涉詞訟代寫漢呈者無論有無串通教唆情事均按訟棍律治罪

續纂

蒙古人等不得用漢字命名

一內外扎薩克汗王貝勒貝子公台吉塘布囊等生子命名均應取滿洲蒙古字義不得輒用漢字文義違者以違

制論

續纂

煤窯燒鍋不得擅請增開

一內外扎薩克各旗除舊有煤窯燒鍋外不得擅請增開違者由部嚴參治罪

欽定理藩部則例

卷五十三 違禁

欽定理藩部則例卷五十四

限期

熱河都統所屬州縣官承緝專條

緝捕逃犯分別獎懲

緝捕謀殺四參限滿未獲逃犯議罰

歸化城土默特地方承緝定限

內扎薩克喀爾喀等處移覆土默特旗下咨文定限

熱河部統關提所轄卓索圖昭烏達二盟人犯定限

盛京吉林將軍大臣各衙門關提所轄哲哩木錫林郭勒烏蘭察布三盟人

犯定限

綏遠城將軍等衙門關提所轄伊克昭盟人犯定限

呈報公事遲延

欽定理藩部則例

卷五十四 目錄

欽定理藩部則例卷五十四

限期

修改

熱河都統所屬州縣官承緝專條

一平泉等四州縣民人與蒙古雜處遇有盜劫之案人犯在逃免其題參照命盜緝兇之例扣限查參其餘人命竊案暨各項逃人向照內地州縣之例議處仍照舊例辦理武職捕盜之員亦照舊例核辦

一平泉等四州縣搶劫劫盜人命路竊斃案件論事主人犯係蒙古係民人及不知姓名住址者人命無搶盜案責令地方有司官暨抽盜營汛員弁承緝照例按限開參竊案仍人年終功過案內報部辦理武職於命案向無承緝處分毋庸參處設有確知人犯旗分姓名住址及該管台吉章京姓名并到案人犯供出應質之蒙古人之姓名住址及該管



台吉章京姓名者該地方官毋得派役徑行往拏均申報該理事司員轉飭該旗於奉文日起出派章京坤都等官在於蒙古營村界內承緝按限照例開舉仍責令有司及捕盜營汛員弁等於各所屬地方一體承緝以免疎漏如獲犯過半兼獲首犯者照例免議其地方官批差役在於蒙古營村圍獲本案人犯蹤跡亦令會同該處屯長協同擒拿呈送該旗添差轉解審理一切案件於審結後均仍行知該旗備案續加修改

緝捕逃犯分別獎懲

一 凡緝捕命盜逃犯該扎薩克出派官兵初次勒限三個月限內緝獲官員賞一九牲畜兵丁賞五牲畜限獲滿無官員罰三牲畜兵丁鞭六十  
二次勒限六個月限內緝獲官員賞六牲畜兵丁賞四牲畜限滿無獲官員罰四牲畜兵丁鞭八十三次勒限九個月內緝獲官員賞四牲畜兵丁賞三牲畜限滿無獲官員罰五牲畜兵丁鞭一百四次勒限一年

限內緝獲官員賞三牲畜兵丁賞二牲畜限滿無獲官員革職鞭六十  
兵丁棚號一個月未獲之犯該將軍大臣盟長通行緝捕另人拏獲者  
按人犯數目賞給牲畜四次限內人犯就獲該扎薩克加一級限內無  
獲罰扎薩克俸一年所需獎賞在各該旗存公備賞項下動用於初次  
起限文內將何項逃犯出派何官於某日起限之處詳晰聲明逾限無  
獲該將軍大臣盟長徑行照例罰牲畜處展限按緝毋庸按限行文四  
次限滿無獲再將該扎薩克及承緝官兵職名一併報部四次限內人  
犯緝獲亦將該扎薩克及承緝官兵職名報部辦理倘原派承緝官員  
有逃亡病故者一面報部一面照例派員接緝毋庸等候部咨

續纂

緝捕謀殺四參限滿未逃獲議罰

一凡緝捕謀殺人命重犯四參限滿未獲者將該扎薩克照緝捕尋常人  
命案件罰俸十年例並加等再罰俸半年如係兩案重犯至二名者將

該扎薩克照緝捕尋常人命兩案罰俸二年例上加等再罰俸一年無俸人員折罰牲畜再予限半年令該扎薩克多派員弁嚴緝倘限滿仍未拏獲將承緝官照二參限滿未獲例折罰牲畜兵丁鞭責該扎薩克再行罰俸一年畜印協理無俸人員折暑牲罰未獲犯通行各處一體嚴緝

增纂

歸化城土默特地方承緝定限

一歸化城土默特地方人命盜劫案內脫逃蒙古人犯該同知通判詳報後由該副都統委派土默特官員承緝自派出之日起命盜案犯初次勒限六個月逾限不獲將承緝不力之員記過一次展限一年緝捕三次逾限不獲將承緝不力之員一年之內應陞之處停其開列再限一年緝捕三次逾限不獲將承緝不力之員罰五牲畜承緝偷竊等項案內脫逃人犯初次勒限六個月逾限不獲將承緝不力之員記過一次

展限一年緝捕二次逾限不獲將承緝不力之員一年之內應陞之處  
停其開列仍報部註冊其未獲人犯通行緝捕如一年之內將原案人  
犯全行緝獲其停陞之處准予開復應陞之缺照常列名其續派接緝  
之員逾限不獲亦記過一次

一歸化城土默特地方各案脫逃蒙古人犯其不知旗分佐領者另行派  
員承緝如知其旗分佐領實係土默特人犯卽責成該佐領照承緝之  
例勒限緝捕逾限不獲亦分別記過停陞既經處分之後能將原緝人  
犯全行緝獲者報部開復免其停陞於應陞之處照常開列如知該犯  
係朔旗之人一面派員緝捕仍行令該扎薩克嚴拿治罪如人犯在該  
旗地方藏匿不行縛送經歸化城官員訪獲或被他人首出罰該旗扎  
薩克一九牲畜獎賞緝獲出首之人如非別旗人犯捏報別旗者俟拿  
獲人犯審明後將捏報之員照窩隱盜賊例議處

一歸化城主默特官員承緝各案蒙古逃犯逾限不獲應罰牲畜逐案各

限一年交出將所罰牲畜存公以備獎賞急公効力之人該員等雖經處分如能將原案人犯全行緝獲者其記過之案准其查銷未納牲畜免其交納

一歸化城土默特承緝蒙古逃犯之員初次限內將盜犯全行緝獲者准其紀錄三次如緝獲他人承緝之犯准其加一級命案人犯全行緝獲者准其紀錄二次如緝獲他人承緝之犯准其紀錄三次劫竊等案人犯全行緝獲者准其紀錄一次如緝獲他人承緝之犯准其紀錄二次并准以次酌給牲畜以爲獎賞如遇應罰五牲畜之案一案准其以紀錄一次抵銷四案准其以加一級抵銷一切陞遷准計加級紀錄辦理

修改

內扎薩克喀爾喀等處移覆土默特旗下咨文定限

一歸化城土默特地方之命盜案內有關提內外扎薩克等旗之人犯及咨查事故并特令緝拿者喀爾喀四部落定限六個月內扎薩克各旗

定限四個月該扎薩克等如逾限推諉不將人犯解送不即查復案情遷延時日者由承辦官申報該上司即行指名參奏報部分別議處

修改

熱河都統關提所屬卓索圖昭烏達二盟人犯定限

一熱河都統關提卓索圖昭烏達人犯如遇命盜重案該盟長於奉文之

日一面出派明幹京執持印文徑赴扎薩克處拘提一面知會就近

地方官添派兵役給與車輛解送先將何日可以解到之處呈報都統

到案後由該都統飭知該盟長備案倘逾限不到由該都統參奏逾限

一月以上者將承辦押解之蒙古章京等革職二年無過方准開復該

扎薩克罰俸六個月協理台吉罰五牲畜盟長罰俸三個月逾限三月

以上者將承辦押解之蒙古章京等革職該扎薩克罰俸六個月解送

遲延之地方官照例開參其尋常案件該扎薩克奉文之日立即拘傳

備文交地方官轉解將轉解人名數日期各於文內聲明解到後由

該都統筭知該盟長備案倘逾限不到由該都統參奏視其逾限日期照解送命盜重案人犯逾限例遞減科額地方官一併附參如係奉

旨關提之犯無論係何案情但有逾限期各照本例加一等擬議倘關提人犯有患病脫逃等事由該扎薩克立即備文聲明查實患病者酌予限期滿起解脫逃者照逃犯例勒限緝捕限滿有無弋獲分別辦理如現有其人該盟長扎薩克有意徇庇留難不肯起解者一經查出卽由該都統參奏交部嚴加議處其解犯程限日行六十里

續纂

盛京吉林總督巡撫各衙門關提所轄哲哩木錫林郭勒烏蘭察布三盟人犯定限

一

盛京吉林黑龍江總督巡撫及附近各盟之直隸等省督撫各衙門關提哲哩木錫林郭勒烏蘭察布三盟人犯如遇命盜重案該總督巡撫專差

徑赴該旗守提無庸知會地方官卽由該旗加差解送解到後由該總督巡撫知該盟長備案其尋常案件該總督巡撫於行提文內按照例定程限限以解送到案日期該扎薩克於奉文之日立即拘傳專派員役起解將解人數名目日期各於文內聲明解到後由該總督巡撫簽知該盟長備案倘逾限不到查明逾期併人犯有無患病脫逃該扎薩克是否留難徇庇情由均照熱河都統關提卓素圖昭烏達二盟人犯例辦理

### 續纂

綏遠城將軍等衙門關提所轄伊克昭盟人犯定限

一綏遠城將軍等衙門關提伊克昭人犯均查照熱河都統關提卓素圖昭烏達二盟人犯定限例辦理

### 續纂

呈報公事遲延



一凡內外各盟長扎薩克等辦理案件除去往返行查日期於奉到該管  
節文及接准所屬呈報之日起限二十日辦結報部違限不及一月者  
議一月以上者罰俸三個月半年以上者罰俸六個月一年以上者  
罰俸一年無俸官員照例九如遇特  
旨交查及部咨欽案事件違限者各加一等擬議

欽定理藩部則例卷五十五

雜犯

誹謗官長

奉差之人被竊將卡倫章京治罪

匪類發遣河南山東

挾讎放火

熏獸失火

民人失火延燒牧場

病人傳染

不容行人住宿

射殺牲畜

走失牲畜移知鄰封

欽定理藩部則例

卷五十五

目錄

私鵬假印

鬪毆擄落帽纓

失火延燒檔案軍器

欽定理藩部則例卷五十五

雜犯

修改

誹謗官長

一平人明將已未管旗土貝勒貝子公台吉塔布囊等肆行誹謗者罰三九牲畜誹謗管旗章京副章京等官者罰一九牲畜均存公備賞若私地誹謗被人告發審實亦照此辦理

修改

奉差之人被竊將卡倫章京治罪

一奉差之人由某旗經過其旗下卡倫章京等宜妥爲照料護送倘不照料護送以致被竊將卡倫章京等罰三九牲畜披甲人等鞭一百

舊例

匪願發遣河南山東

平官員平人爲匪不可留旗者俱連妻子產畜發往河南山東交驛站充

當苦差

修改

挾讎放火

一挾讎放火致斃人命者係官員擬絞平人擬斬各監候籍沒產畜皆給

串庄致斃牲畜者係官員革職平人鞭一百籍沒產畜皆給事主

修改

熏獸失火

一因熏獸穴及一切誤致失火者罰一九牲畜給出首人因而延燒致斃

人命者加罰二九牲畜和死者之家致斃牲畜者照數賠償如延燒出

口皆易民人貨物亦照賠償牲畜例辦理

增纂

民人失火延燒牧場

一凡內地民人出口貿易不戒於火致延燒牧場者均照蒙古熏獸失火例罰取牲畜無牲畜者按照所罰牲畜數目折價罰取銀兩

修改

病人傳染

一凡出痘病人臥人家內因而傳染以致死人者罰三九牲畜痊癒者罰一九牲畜均給被傳染者之家

修改

不容行人住宿

一蒙古地方天氣嚴寒如天晚遇有投宿行人不肯容留致被凍死者罰一九牲畜如容留住宿其財物牲畜均由主家照料但有疎失責令賠

畜

修改

射殺牲畜

一射斫殺死他人牲畜者罰賠一九牲畜悞射死馬匹者加倍追罰未死平復者減半追罰

修改

走失牲畜移知鄰封

一凡走失牲畜三日後報明隣封扎薩克飭屬一體尋拏由隣封拏獲者量其所獲牲畜多寡酌給謝儀虛報冒領者各罰一九牲畜收留無主牲畜隱匿不報者同科

續纂

私鵬假印

一凡蒙古地方有私行鵬造描摹假印者其失查之員弁本犯均照內地

例辦理

修改

鬪毆楷落帽纓

一凡蒙古地方因鬪毆楷落帽纓者罰三牲畜  
續纂

失火延燒檔案軍器

一內外扎薩克各旗因不戒於火以致延燒檔案軍器等物者未能先事  
預防之該扎薩克罰俸一年協理台吉折罰二九牲畜其有監守之責  
之協理台吉罰四九牲畜台吉罰三九牲畜蒙古官員革職兵丁鞭一  
百革退但訊有曠班致失守獲情形協理台吉革任台吉革去台吉蒙  
古官員革職鞭一百兵丁革退鞭一百加枷號一箇月檔案通行補抄  
軍器查由原修處所由該旗修理賠補



欽定理藩部則例

卷五十五  
雜犯

六

上海图书馆藏书



A541 212 0002 9706B

邊疆叢書之一

清 理 藩 部 則 例

中華民國三十一年二月出版

全 四 冊 實 售 國 幣 八 十 元

發行者  
蒙藏委員會編譯室

出版者  
蒙藏委員會編譯室

印刷者  
蒙藏委員會印刷所

